

國

朝

文

匯

國朝文匯序一

自道術既裂文章以繁狀遂總集興焉漢志制述各自爲家別出辭賦多者數十篇而已

有別集之目建安以遂遂成風尚篇帙滋廣晉摯虞苦覽者難盡于是叙文章流別以爲要刪遂世述之或獨標一體或類次群賢或因垞爲別或斷代示變總集之中又各自爲例大抵取精者主于約蘊廣者疑于濫雖其書有雅鄭遂之覽者咸有感于斯文故以文苑英華之蕪而唐人別集之佚者多賴以存播芳文粹出于南宋坊肆所集而多存宋人之遺則蒐輯之功亦安可沒也呂東萊曰聖宋文海增損以爲宋文鑑斷自建炎以前多采說理之文而張南軒譏

爲無補學術黃梨洲讀崑山徐氏藏書盡明人別集

二十餘家以成明文海而閩潛邛議其體例乖舛非

耄年自定之書

張時徹有明文範六十六卷成于隆慶間錄洪武至嘉靖之文凡四百四

十二家其中多有爲明文嗟乎蒐輯難編類又若是

海所未錄者傳本甚希

其不易也國朝文以康熙嘉之際爲極盛其時

樸學競出文章多元本經術雖敝異其趣要歸于有

則無前明標榜依附之習道咸以降海內羹沸不遑

文藝之事敝至于今日而廩乎將有散亡之患重以

漸染歐風擗擗和體益用連犴狀則總集之輯曷可

憚其難而須臾緩哉康熙中

勅編

皇清

文穎歷三朝而遂成草野頗不易觀嘉慶時青浦王

氏昶錄竝世之文爲湖海文傳特詳于攷證軋嘉諸

老之論撰大略在焉其書道光時始出而婁縣姚氏

椿涇縣朱氏珩之彙鈔亦先遂繼軌祖逆光末上高李

文錄同治間復成續編篇帙稍富而題讀者猶病其

采未精體例亦過未足比姚朱二錄也未博也中興四十餘年顧未有綜二百七十年之製

要其指歸究其流派薈之以爲一書者憫茲末學其

何以徵壽潛辭官教親喟狀悼方來之衰安思以在

茲自任間亦有所排比欲俟成書以當修能之雅言

迫于路役此事遂廢會里人沈粹芬勑爲國學扶輪

社戡合群彥輯爲國朝文匯乞爲一叙雖未覩全書

覽其所自爲叙著錄逾千家爲篇之數盈萬亦夥頤

矣又獨不取宗派之說欲以備一代之典要而觀其

會通其書之高出于播芳文粹蓋可預言周文忠叙

宋文鑑曰此非漢唐之文而我宋之文也黃梨洲編
明文海成告其子百家曰是書之富過文苑英華以
明之作者軼于有唐非此不足以存一代之書也按文苑英華千卷著錄始梁末實以上繼蕭選特錄唐之文為多耳明文海四百八十二卷而無詩蓋未有以過之此亦梨洲之誇詞也扶輪之志亦猶是耳後之學者將以攷
先正之遺文進窺學術盛衰之故而世變亦以見焉
其必有取于是書也夫

宣統紀元夏六月浙東湯壽潛撰

國朝文滙序二

有一代之政教風尚則有一代之學術思想蛻故孽
新罔息不可復省而有為之撮影者曰史而有為之
畱聲者曰文俾後人若聽睹其際得以識世運消長
人才純駁之故非僅恣汎覽供粉飾焉詩書六藝古
隸史掌而槩謚為文蓋殊名而同物姬孔作述上滌
誦煌下賅謠俗旁及夷塾標準千禩實乎莫尚矣天
祿蘭臺略設畛畔彥猷琬龍弟暢旨趣至蕭梁哲儲
始別加組纂剖觚績素漸毗審美而羅弋卉修未迂
學禮之訓唐宋以還迺立古文之顯名論道經世者
或薄為喪志而不屑染指翫華繡悅者又讐於客氣
而不敢抗顏遂孤行藝苑若別為一種之學術一種

之思想攷之名義則宗尚輓近不為古屏除聲色不
偁文徵諸實際則駢偶而鯁寡其倚詞賦而匏土其
響而已然由渾而畫演進公迺且揭藥數百年久為
學子公認無庸置議於是而有古文之顯家出焉顯
家既夥則有古文之總集出焉操選政者大都辨宗
派之真贋覈聲望之高下而錄棄之與樞府銓司以
門伐資格黜陟百爾者等又或句梳字櫛書眉乙尾
引繩墨立撫刑如村塾之訓蒙如瑣院之課士俾千
形一兒百喙一聲始得為中律令夫固大遠乎博文
游藝之旨而於東西京南北朝之宗法似亦無當也
界限瘡嚴容積癒濫體制瘳峻气息瘳庠憤世矯俗
者至有漢後無文之論非無文也徇古之虛名以求

文則文之實喪泥古文之死法以衡文則文之義荒
標榜有文而獨立無文范埴有文而自然無文則雖
謂之無文可也一代無文則一代學術思想非附見
於削青者皆將晦翳漸熄而無所徵驗茲可恫焉矧
吾朝文治軼邁前古饌箸之盛尤奄有衆長當定
鼎之始山澤遺耆抱器陳疇綦多賓服即有憤銜軒
鉞志切魯戈旋謠大命攸歸亦退而紹申伏之傳修
河汾之業出其學術思想播佳種於龍野存國粹於
滄桑以塞麥秀采薇之痛故其文雲雷鬱勃風濤軒
怒震國民之耳鼓至今淵淵作響繼世列聖懋學
右文兩舉詞科而駿雄游毅宏開四庫而文獻朝宗
賢王碩輔又致設醴之敬企吐哺之風從而提倡虎

觀無其備免園無其盛龍門無其廣文運日昌士氣
日奮相率湔雪牢愁服膺古訓息邪距詖張天水道
學之軍析義正名幹炎劉經生之盛而摭詞幽正窮
理則吐塵羹訂古則謝餽飮即詞人墨客亦蓬直麻
中赤緣朱近類能賈餘勇尚立言咸有根柢絕異稗
販蓋幾於鳳麟為畜雞犬皆仙集周秦漢魏唐宋元
明之大成合性理訓詁考據詞章而同化故康雍之
文醇而肆乾嘉之文博而精與古為新無美不具蓋
如日星之中得春夏之氣者焉道咸兩朝爭桑弄兵
四寓多故男兒作健志士苦心被褐而來棄襦而去
擊楫者有澄清之志浮查者多鑿空之談劬古并治
鈐符著書旁通韞譯儒生專閭成韓范之勳記室多

才得琳瑯之亞至若賈生慟哭杜牧罪言尤在在皆是故其文激昂峭厲縱橫排界忠義之骨而參以仙俠之心騷雅之音而出以幽并之氣中興垂五十年中外一家梯航四達歐蘇文化灌輸腦界異質化合乃肇新種學術思想大生變革故其文光怪瑰軼汪洋恣肆如披王會之圖如觀楚廟之壁如登喜瑪拉山絕頂邁天帝釋與阿修羅鏖戰不可方物極此已逞四海同文之盛期當不遠夫以吾國文學之雄奇奧衍假罄其繁世之儲蓄良足執英法德美壇坫之牛耳而一入本朝則又兼收并蓄大會細入兩京三唐不免積薪之媿姬孔之際于斯為盛然則操斯文進退去取之枋者其猶橫分區域極守成規匿寶山

金穴之饒沃而夸人以囊橐扁千門萬戶之輪奐而自安於巢窟乎此本社所以有國朝文匯之選輯也存錄一千餘家為文一萬餘首不名一家不拘一格雖網羅未廣疏漏正多尚有竢海內方聞俛為曹益要之二百數十年中之政教風尚所以發達變化其學術思想者循是或可得其大概而為史氏徵文致獻者效負弩之役若夫別標格求師澹則有先正精選成本在非不佞所敢知矣

宣統元年七月黃人摩西

國朝文匯序三

我朝文教鑒宏魁碩輩出學風所煽上軼前古義理攷据分道揚鱗開及文界派別以滋變遷之史可得而言順康之世遺老聞人偉略豹隱著述文身辭之至者自成一子次亦能以縱橫勝修潔勝乾嘉之際漢宋各幟義理之文峻於守法桐城派是也攷据之文出於徵實毗陵派是也道咸之交明道劬古外雜以政治思潮異軍突起權輿於龔魏揚屬於湯馮其氣跌宕其辭嶄寄延及同光或神聖方姚規行矩步束修自好或趁趨羽琇雲譎波詭驚世駭俗異鑪同冶均有可觀猗歟盛矣近者日文攬入歐學輸來先正典型飄搖欲墜後生迷信拏摸奚繇濡等杞憂在

抱國粹厯衷權為舊學之商藉作歧途之導略窺門
徑謬主摛稍積以歲時成以眾力謹輯國初以迄近
今最錄一千餘家得文一萬餘篇張揚我國寶鼓吹
我文明庶幾哉急起直追虞淵未鄰乎日暮聲希響
逸廣陵尚耳於人間

宣統二年十月歸安王文濡序於國學扶輪社

國朝文匯序四

予家夙以書世其業 先曾祖石樓公嗜書成癖抱殘拾遺博搜
精鑒每得善本珍比琳瑯 先祖素庭公繼之館穀所入輒以購
書顏其堂曰味經藏書之名藉甚東西浙與鄞之范氏杭之丁氏
湖之陸氏相駢新遠近之僨書者踵相接也 先祖於學無所不
窺而尤篤嗜古文辭一遺著同書附補廣同書八卷常自耕齋詩
稿四卷其味經堂文稿檄花室隨筆宋四六話補皆未竟亂後僅
存廣同書及詩草詩已印行一架上所貯文集家影寄謂文至
國朝而極盛作者輩出類能遺兒取神去疵存粹有周秦之神智
而不詭僻有東西京之博雅而不穿鑿有魏晉六朝之新勇而不
纖薄有唐之闕肆而不絲繆有兩宋之純正而不虛腐學者取徑
行遠自近當先從事於本朝顧時代屢更別集檄供選家祇見尺
閒弋羅未廣又或自矜門戶動道筌蹄頗為學子所詬病倣微同
人編成摠集而有志未通遽赴修文偉業存諸懸想遺訓俟諸後
人噫可慟也 料家 拘贅之質共學少日夙夜惴惴常以未續先志

為恨稽固海上偶與當代賢達湯藝仙鄭蘇戡繆小山諸先生鉅
諱及此共切贊成老文王君均卿尤欣然引為己任因出先人所
藏兵發未盡者若干種補購者若干種友人贈遺者若干種商定
體例次以時代不立宗派用歲前人叢錄一二家（如宋牧仲編
虞魏汪三家文是）或專舉一派（如姚氏古文詞類纂於八家
及震川後專錄望溪海峯是）之陋悉心甄錄得一千三百餘家
文一萬餘篇為卷帙之巨視皇清文穎國朝文叢湖海文傳國朝
古文彙鈔等數倍之自開國以迄今日鴻章鉅製網羅豐富抉
擇諸嚴作國朝實錄觀也可作國朝學案讀也可其曰文而不曰
古文者奇偶同源不能獨古概行也曰文匯者辟諸導河經積石
下龍門統百川而朝宗于海學者雖生而若之翺旋得移情之益
也抑始於戊中之春告成於庚戌之穉是役也王君定揔其成與
襄選政者烏程張君夢生昭文黃君摩西也專任校事者嘉定金
君韋修也而粹步區區之心力亦略助於此以蚊負之不自量仰
賢眾力勅承先志揚本朝之特色拓文界之大觀或亦為並世魁

碩保存國粹者所不弁與
宣統二年九月山陰沈粹芬識

例言

一神州學術我朝號為中興就文而言自足抗衡前代茲集告竣尚當續編外集以饜讀者學究駢文韻語之盛心

一茲編仿牧齋明代詩選例分甲乙丙丁為五集遺民入甲前集順康雍正三朝入甲集乾嘉兩朝入乙集道咸兩朝入丙集同光兩朝入丁集惟宸章巍煥暨天潢鉅制僑野見聞既隘未敢仰贊高深且躬處承平與桑海之後有間故乾集從闕至於方外名媛著作及東西譯集自當周咨博采再編閔集

一國朝古文選本最夥如湖海文傳之類但存交契如古文辭類纂則又拘於宗派論者病之姚李二家文錄及吳氏文微朱氏彙鈔稍宏富矣而甄采亦僅數百家尚多挂漏茲集不拘成格義在兼收最錄一千三百五十六家在總集中此為大觀一古有明訓不以人廢言本集憑文錄文了無成見惟過於遠礙者則概從割愛

一作者姓氏里爵附載篇首其有一時無可查者姑付闕如以俟

續攷

一本集所錄多傳記書序弔祭等文徵文考獻用資裨助至如奏議之語多直叙壽文之意近獻諛亦復登載一二聊備體格
一文章家神妙變化行乎其所不得不行止乎其所不得不止有非一孔之士所可方物者必如評舉業者之於提頓起落處一
一揭出動調金鍼之度陋矣本集僅分句讀不加評註見仁見智以俟自得

一甲集之畢頴雲乙集之胡稚威王仲瞿丙集之高陶堂等造語奇險間有不可句讀之處自是絳守居園池記一派文字在本集中不可不備一格圈點經同人再四斟酌其有疑而難斷者則姑闕以俟正

一原書謬誤頗多往往借他本為校正其有意在疑似而他本一律者同人未學謫陋正恐如杜詩韓文無一字無來厯不敢臆改以存其真

一本集最錄之文多寡自難一例同光兩朝生存之人其本無全

集與有集未見者僅憑選本或附見他處者錄入
一本集限於時日羅弋雖力遺漏尚多當代大雅如能代為搜訪
益我不逮自當再輯補編以成全璧

國朝文匯甲前集姓氏目錄

卷一

顧炎武 黃宗義

卷二

王夫之 陸世儀 孫奇逢 李容

卷三

徐枋 張履祥

卷四

張爾岐 黃宗炎 黃宗會 吳炎 顧大韶 歸莊

潘耒 章 張雋

卷五

黃周星 董說 王世美 李確 沈壽民 傅山

卷六

杜濬 申涵光 張次仲 查繼佐 鄭興僑 張嘉玲

卷七

王錫闡

屈大均

王灃

陳宏緒

易學實

卷八

萬應隆

戴笠

顧偉

卷九

顧景星

朱一是

陳瑚

黃侃

卷十

劉獻廷

萬斯大

萬斯同

錢澄之

卷十一

冒襄

任源祥

杜越

楊無咎

魏際瑞

卷十二

魏禧

卷十三

魏禮

彭士望

邱維屏

李騰蛟

林時益

彭任

曾燦

冷士媚

胡承詒

周容

卷十四

刁包

應揚謙

王大經

張怡

李柏

朱鶴齡

卷十五

朱用純

李世熊

柴紹炳

張光祿

傅占衡

卷十六

張自烈

劉城

嚴首昇

毛先舒

談遷

卷十七

周質

查容

林璐

王煒

黃晉良

吳騏

謝文潯

彭師度

李煥章

卷十八

何穀

孫治

陸元輔

李鄴嗣

卷十九

孫永祚

顧祖禹

賀國瑞

張賁

唐靖

許楚

周拱宸

徐晟

王鳴雷

潘爾夔

卷二十

雷士俊

賀貽孫

周篆

彭孫貽

蔡方炳

馮景

國朝文匯

卷一百一十五

二

國學扶輪社印

顧有孝 金人瑞

國朝文匯甲集姓氏目錄

卷一

金之俊 劉餘佑 錢謙益 陳之遴 王永吉 李元鼎

卷二

吳偉業 龔鼎孳 周亮工 李楷 彭賓 趙進美

梁清標 趙開心 熊文舉 程正揆 曹宗璠 蔣薰

卷三

王御 曹溶 蔣棻 彭而述 孫廷銓 謝良琦

韓詩 張汝瑚 鄭宗圭 王崇簡 李呈祥 高珩

卷四

姚文然 白允謙 王岱 李雯 李澄 魏裔介

魏象樞 傅維麟 梁清遠

卷五

畢振姬 馮溥 李之芳 王熙 李敬

卷六

宋琬 侯方域 沈暉日 陳國政 周宏起 顧人龍

陸治源 李繩遠

卷七

李良年 孫宗彝 周啟儒 朱鳳台 劉子壯 熊伯龍

卷八

董文騏 施閔章 唐夢養 周茂源 盧鉉 郝浴

徐作肅

卷九

宋實穎 趙吉士 程可則 湯斌 沈荃 李來泰

郭棻

卷十

余縉 胡文學 陸壽名 胡尚衡 黎士宏 汪琬

卷十一

王士禎 王隲 劉體仁 楊端本 秦松齡

卷十二

丁澎

陸求可

王命岳

楊雍建

洪若皋

錢中諧

任繩隄

卷十三

計東

唐甄

邵長衡

卷十四

錢陸燦

陳廷敬

熊賜履

毛際可

張貞生

曹王孫

卷十五

李念慈

顧岱

侯七乘

徐元文

葉映榴

葉方鐫

彭孫通

王又旦

曹玉珂

吳珖

王鉞

鄭日奎

卷十六

姚文燮

黃興堅

孟遠

王相業

汪价

錢曾

王濟

陸圻

沙張白

卷十七

萬言

湯傳楹

朱昇

張玉書

蔣德瑛

宋振麟

蕭正模

王猷定

卷十八

馮舒 馮班 吳炯 馬世俊 路一麟 吳肅公

王愈融 徐柯 顧苓 宋惕

卷十九

陸嘉淑 葛芝 侯元涵 鍾淵映 江閨 徐崇岳

闕禎兆 黃虞稷 沈珩 薛鎔 曹禾

卷二十

趙士麟 朱爾邁 田雯 羅賢 陸舜 衛既濟

葉令樹 方殿元 繆彤 張英

卷二十一

嵇永仁 陸萊 應昇 喬萊 陳鼎 陳玉璫

蒲松齡

卷二十二

戴名世

卷二十三

王縣 汪懋麟 儲方慶 方象瑛 宋聶 應是

卷二十四

徐乾學 王拔 高士奇 李光地 陸隴其 趙申喬

丁焯

卷二十五

陳夢雷 葉燮 李振裕 陳騫 安致遠

卷二十六

鈕琇 張貞 朱鴻瞻 韓荻 徐開任 徐倬

卷二十七

蔣伊 閔派魯 顧沂 盧元昌 王孫爵 彭定求

張潮顏 翁叔元 許承宣 陳錫嘏 黃百家 王奐曾

劉蔭桓

卷二十八

王吉武 方中通 歸允肅 錢金甫 趙執信 盧生甫

閻若璩 鮑駿 陸埜 陳捷 尤侗

卷二十九

潘耒

卷三十

胡渭

李因篤

朱彝尊

卷三十一

毛奇齡

懷應聘

龐塏

周清原

陳維崧

甘京

卷三十二

李澄中

嚴繩孫

徐鉉

黃石麟

吳起源

董漢策

章永祚

戚樞

卷三十三

金德嘉

袁銖

許汝霖

王詰生

張伯行

吳受

金居敬

卷三十四

陳遵鶴

俞長城

董以甯

仇兆鼐

張篤慶

田從典

卷三十五

王嗣槐 劉以貴 陶元瀉 范光陽 陸次雲

卷三十六

唐孫華 湯右曾 梁佩蘭 吳農祥 趙俞 鄭梁

盧錫晉 孫枝蔚 潘宗洛 張尚瑗 邱嘉穗

卷三十七

儲欣 夏駟 李璫 黃叔琳 惠周惕 王宏嘉

王宏撰 楊名時 陳鵬年 周正 鄧林梓 張永銓

卷三十八

王源

卷三十九

朱軾 葉亦包 陳璠 方邁 呂履恆 徐旭旦

王宏憲 謝方琦 姜宸英

卷四十

孫寶侗 嚴虞惇 汪士鋐 曹耀珩 梁份 康乃心

張達

卷四十一

何其偉 王暉 沈近思 張德純 張廷玉 陳亦禧

蔣廷錫 劉巖

卷四十二

查慎行 何焯 朱書 汪份 鄧良 涂天相

顧陳埏 溫睿臨 薛熙 張端亮 沈元澹 王晦

侯開國 王思訓

卷四十三

方苞 方彞如 魏世傑 王革 劉青藜 余甸

魏世微 鄭任鑰 孫臆

卷四十四

李紱 林侗 余懋杞 趙熊詔 蔡世遠 劉彬

惠士奇 張大受 徐用錫 張侗

卷四十五

盧軒 儲在文 徐文駒 倪琬 唐紹祖 帥我

陶貞一 何永紹 胡煦 傅以成

卷四十六

謝濟世 林佶 蒲立惠 杜詔 陸時隆 王澍

顧嗣立 張雲章 程御龍 任蘭枝

卷四十七

孫嘉淦 劉榛 甘汝來 張漢 楊繩武

卷四十八

鄭廉 萬承倉 趙城 汪應銓 田蘭芳 袁璉

卷四十九

許尚質 儲掌文 張廷璐 沈受宏 楊椿 沈寓

王恪

卷五十

王懋宏 梅文鼎 陳萬策 華希閔 徐繩甲 方舟

鄭相如 車鵬芳 厲鶚

卷五十一

國朝文匯

姓氏目錄

五

國學扶輪社印

黃中堅 儲大文 張符驥 錢陳羣 王雲 黃之雋

陸奎勳 王植

卷五十二

左 冕 魯曾煜 蔣恭棐 沈起元 鄭青蓮 顧棟高

晏斯盛

卷五十三

盧見曾 孔尚任 梁機 程襄龍 王汝驥 李光坡

吳曰慎 張震翼 王文治 邵廷采 吳士燾 章大來

胡方

卷五十四

蔣深 蔣曰樸 廖燕 孔毓功 馮行 陳之蘭

瞿霽 張宸 于振 陳宏謀 陳祖范

卷五十五

朱澤澐 蔣汾功 周振業 王步青 宋和 王又樸

卷五十六

汪由敦 諸錦 陸培 曹扶蒼 王峻 陳浩

陳沆 袁安 王心敬 王延年 彭啟豐 楊錫紱

鞠濂 潘安禮

卷五十七

劉大樞 汪惟憲 吳銘道 林蒲封 王崇炳

卷五十八

曹一士 章有大 陶正靖 劉青霞 周龍藻 胡宗緒

何夢瑤 孫灝

卷五十九

藍鼎元 楊仲興 馬榮祖 張鳳孫 魯之裕 任起運

雷鉉

卷六十

夏之容 郭起元 牛運震 陳大受 桑調元 孫自務

邵大業 汪師韓 彭端淑

國朝文匯乙集姓氏目錄

卷一

茅星來

邱仰文

傅謹齋

鄭方城

李果

邊連寶

勞孝興

卷二

劉紹攸

沈彤

胡銳

秦慈田

蔡新

趙青藜

徐大椿

卷三

汪有典

葛祖亮

金門詔

張尹

胡天游

卷四

陳兆崙

張九鍵

王時翔

黃永年

吳龍見

湯聘

藍千秋

卷五

全祖望

卷六

劉綸 杭世駿 張大受 齊召南 沈廷芳 祝淦

翟思睦

卷七

吳直 于敏中 廖鴻章 陳梓 李法 王會汾

喬光烈 周煌 程廷祚

卷八

張九思 程穆衡 史震林 彭遵泗 王豫 張秉直

蘇珥 倪承茂 程景伊 董志敬 孫景烈

卷九

袁枚 沈德潛 周準

卷十

顧成志 裘日修 楊鸞 凌樹屏 姚世鈺 鞠遜行

許朝 法坤宏

卷十一

張庚 王垣 陳朗 金姓 寶光鼎 朱稻孫

鄭虎文

卷十二

王太岳 周於智 汪沅 邵齊憲 姚範 彭坊

卷十三

王善楠 陳黃中 郭峻 顧我鈞 祝華鼎 沈璫

卷十四

金農 錢維城 莊存與 蔣元益 方熊 王曾祥

吳璚侯

卷十五

范泰恆 邵齊熊 趙一清 涂瑞 張增 韓錫胙

卷十六

瞿源沫

卷十七

朱珪 林明倫 陳道 馬咸 盛大謨

卷十八

朱仙琇 李中簡 曹學詩

卷十九

謝鳴謙 馮浩 王克拔 毛詠 余慶長 彭湘懷
何忠相

卷二十

王元啟 周於禮 朱景英 沈大成 戈濤 于雯峻
王莘

卷二十一

陸燿 王應奎 盧文弨 邵嗣宗 沈祖惠
卷二十二

趙佑 周正 翁方綱 梁同書 黃達

卷二十三

蔣衡金壇人 顧詒祿 蔣衡長洲人 周天度 顧光旭 謝墉
吉夢熊 錢載

卷二十四

鄧夢琴 王鳴盛 茹敦和 朱筠 陳夢元

卷二十五

諸廷槐 曹學閔 周春 紀昀 查禮 錢大昕

卷二十六

王昶 顧鎮 朱辰應 平聖臺 吳大勳 盛百二

卷二十七

陰承方 黃璋 吳成佐 康基田 韓夢周 鮑倚雲

卷二十八

彭元瑞 蔣士銓 張洲 吳紹曾 程大中 陳謨

薛著廷

卷二十九

彭光斗 錢青選 黃紹統 張遠覽 胡慶善 張望

吳高增 曹文植

卷三十

畢沅 孟超然 章陶 吳泰來 段玉裁 薛起鳳

楊炯 王杰 陸錫熊

卷三十一

謝啟昆 史承豫 檀萃 程嗣立 吳玉綸 彭紹升

卷三十二

陶元藻 李文藻 余廷燦 崔述 倪賜 錢大昭

袁淑芳

卷三十三

金學詩 鄒方鐸 王鳴韶 錢維喬 張九鉞

卷三十四

胡奕勳 嚴長明 汪楫 沈初 翟詠參 韋謙恆

施朝幹 徐志鼎

卷三十五

彭績 吳翌鳳 毛越傳 吳省欽 羅天閭

卷三十六

李集 李榮陸 江聲 潘相 翟森 姚鼐

蘇去疾 徐書受

卷三十七

羅有高 張郝元 王佩蘭 韓是升 張世法 樂鈞

閻循觀 余集 彭孚

卷三十八

尹壯圖 褚華 賈朝琮 洪榜 沈亦然 莊圻

牟願相 潘亦雋 張鈴 程瑤田

卷三十九

李文淵 邵晉涵 程晉芳 林樹蕃 張星象 梁玉繩

魯仕驥

卷四十

龔景瀚 洪朴 尤世補 仇巨川 錢澧 孔繼涵

汪志伊 吳騫

卷四十一

劉台拱 馮偉 楊復吉 錢穀 吳俊 李翮

秦瀛 呂星垣

卷四十二

儲研璘

楊履寬

胡昌基

董詔

陳庚煥

趙希璜

韋協夢

戴震

卷四十三

吳定

范來宗

顧宗泰

曹錫麟

吳卓信

盧遜

張鏞

徐熊飛

陶必銓

徐軼

梅鏐

卷四十四

王焯

汪國

汪中

闕太和

王子音

姚令儀

章學誠

卷四十五

張誠

胡元暉

徐侃

管世銘

張九鐔

黃之紀

祖之望

江濬源

戴祖啟

呂潤蕃

張誥

卷四十六

紀大奎

官崇

鄭振圖

楊煥緯

周鎬

蔣師煥

丁泰

錢塘

馮俊

鄭光策

謝振定

卷四十七

吳蔚光

張潤貞

王宗炎

趙懷玉

卷四十八

陳從潮

陸芝

汪學金

萬承風

屈為彝

丁杰

王元文

陳廷慶

武億

王友亮

單紹

卷四十九

戚學標

周廣業

惲敬

卷五十

孫雲桂

李符清

翟繩祖

戴大昌

李齡曾

王灼

徐鏐慶

孫星衍

汪彥博

卷五十一

錢梓林

柯振嶽

張琦

沈叔埏

顧玉霖

朱秉鑑

卷五十二

王芑孫

高澍然

舒位

張士元

汪廷珍

劉鳳誥

張經田

卷五十三

曾鏞 尤維熊 石韞玉 洪亮吉 李廣芸 凌廷堪

卷五十四

桂馥 邢澍 盧譽士 左輔 張燮 唐仲冕

王曇

卷五十五

趙良霽 畢憲曾 張雲錦 謝金鑒 戴殿泗 陳鶴

卷五十六

姚學塤 蕭掄 胡本淵 朱寵 陳鱣 黃廷鑑

王錫圭 沈寶麟 張晉本

卷五十七

錢東垣 姚文田 屈軼 陳壽祺 張惠言

卷五十八

程同文 吳德旋 盧浙 許宗彥

卷五十九

錢寶甫 陸鼎 吳賢湘 陳斌 張澍

卷六十

劉開 姚瑩 陳文述

卷六十一

嚴可均 吳嵩梁 楊紹文 陸繼輅 盛大士 陳用光

卷六十二

陸錫三 岳震川 焦循 陳善 馮恆 陳珍

楊椿 吳廷琛 李宗昉 陶澍

卷六十三

顧藹 朱文藻 陳經 阮元 費蘭湄 查揆

顧汝敬 賀長齡

卷六十四

呂堅 唐鑑 羅鑒通 戈宙襄 胡敬 張履

包世臣 錢儀吉 錢泰吉 李祖陶

卷六十五

孫爾準 李兆洛 孫原湘 方炯 董桂敷 吳士模

卷六十六

周濟 翟象曾 胡承珙 鄧傳安 沈欽韓 顧燮臣

任兆麟 王慶麟 顧日新

卷六十七

謝階樹 劉佳 胡虔 鄧顯鵬 鄧顯鶴 鍾晉

顧元熙 王家相 齊彥槐 章謙存 賀熙齡

卷六十八

吳慈鶴 朱鍾 錢侗 邵志純 程恩澤 呂璫

李彥章 丁子復 朱士林

卷六十九

王衍梅 劉儀 龍汝言 欽善 周樹槐 胡世琦

劉逢祿 汪元爵 林則徐

卷七十

郭麐 潘挹奎 顧千里 汪家禧 朱春生 王渭

張鑑

國朝文匯兩集姓氏目錄

卷一

張海珊 俞正燮 丁晏 常大湘 翁廣平 趙坦

趙紹祖 羅江 徐校 陳揆 江藩

卷二

梅曾亮 鄒鳴鶴 李棠階 徐金鏡 江沅

卷三

湯鵬 舒夢齡 常大瀉 袁成 吳育 朱瑋

褚逢椿 顧曾

卷四

管同 徐錫麟 楊太灝 吳廷棟 鄧仁瑩 吳鳴鏞

易光焯 顧承 楊鳳苞 邱之桂

卷五

趙仁基 毛嶽生 黃汝成 劉曉華 施國祁 金有容

邢典 朱曰侃

卷六

左仁

潘德興

彭澤中

蔣湘南

卷七

龔華祚

卷八

陳起詩

馬福安

羅統典

竇垺

易崇

朱綬

湯成烈

莫友芝

張聲玠

卷九

李星沅

陳慶鏞

陳本欽

吳敏樹

翟漱芳

言友恂

曹塤

卷十

左宗植

左宗棠

李傳敏

宗稷辰

許棣

桂超萬

方大瀉

首煥彪

彭紹封

卷十一

沈垚

朱琦

彭松毓

沈衍慶

陳世鎔

何慶元

黃輔辰

卷十二

魯一同 楊士達 熊少牧 李隆粦 馮志沂 胡林翼

唐李杜 姚椿 徐子苓

卷十三

魏承祝 鄭珍 屈欽鄰 江忠源 鄧瑤 趙璘

歐陽泳

卷十四

羅汝懷 王塗

卷十五

曹國藩

卷十六

吳嘉賓 陳源究 陸載恩 湯修 沈曰富 陸敦倫

邵懿辰 金安清 費椿 陳澧 賈敦臨

卷十七

成毅 馮桂芬 許宗衡 凌玉垣 周倬祥

卷十八

劉毓崧 汪士鐸 龍啟瑞 王拯 陳立 胡焯

方東樹 張穆 管嗣復 彭昱堯

卷十九

李元度 任廷賜 楊沂孫 劉文淇 紀慶曾 閻其相

郭祖翼

卷二十

魏源 方宗誠 劉蓉

卷二十一

王柏心 宋晉 王廷植 方濬頤 吳英樾 陳銘

邵輔 馬敬之 何鈺麟 陳壽熊

卷二十二

孫鼎臣 李聯琇 徐燾 何秋濤 孫燮 張星鑑

何俊 陳源豫

卷二十三

郭嵩燾 徐時棟 董蠡舟 沈登瀛 戴望

卷二十四

周悅讓 李得春 孫頤臣 顧復初 唐祖珩 凌璽

鍾顯震 丁桂 周貺祥 羅萱 鄒漢紀

卷二十五

陳錦 戴鈞衡 黃式三 彭泰來 黃仲騏 亢樹滋

劉醅 徐受 湯彝

卷二十六

楊彝珍 孫衣言 尹耕雲 左輝石 王啟成 王寶仁

易本煊 李錫疇 黃琳材 顧廣譽 程德齊

卷二十七

俞樾 吳可讀 戴醅 吳鉉 張起毅 胡克載

卷二十八

羅澤南 鄒漢勳 戴棹 董兆熊 徐宗亮 舒燾

卷二十九

楊季鸞

趙廷愷

汪曰楨

丁寶楨

吳大廷

嚴咸

瞿元鈞

朱次琦

歐陽勣

陳起書

楊源漢

卷三十

陸心源

嚴辰

高心夔

陳爾幹

楊象濟

陳宗起

徐森

楊球光

國朝文匯丁集姓氏目錄

卷一

萬方煦

張之洞

黃體芳

趙國華

莊士敏

王韜

曹肅荀

何邦彥

楊金盃

陸慶頤

施彥士

葉裕仁

蔣山

卷二

薛福成

薛福保

卷三

柳以蕃

孫希朱

王應孚

蔣彤

謝應芝

周騰虎

方德驥

吳昆田

卷四

高延第

楊德亨

何曰愈

卷五

蔣敦復

金文榜

宗源瀚

華衡芳

卷六

施補華 劉汝璆 黎庶昌 閻正衡 秦寶璣

卷七

柳應輝 莊慶椿 仲元熙 陸日燮 馮澂 諸福坤

鄭恭燮 鄭恭和 李齡壽 凌泗

卷八

王炳燮 張裕釗 張文虎

卷九

吳汝綸

卷十

李楨 施文鎔 李慈銘 馬建忠 閻萃祥

卷十一

孫詒讓 姚謏 譚嗣同

卷十二

唐才常

卷十三

楊峴 范當世 施浴升 熊其英 黃遵憲 劉可毅

卷十四

王闓運

卷十五

王先謙

卷十六

嚴復

卷十七

章絳

卷十八

林紓

卷十九

秦琪 陳玉樹 顧雲臣 馮升 繆荃孫

卷二十

樊增祥 簡朝亮 廖平 康有為 梁啟超

國朝文匯甲前集姓氏目錄

卷一

顧炎武 黃宗義

卷二

王夫之 陸世儀 孫奇逢 李容

卷三

徐枋 張履祥

卷四

張爾岐 黃宗炎 黃宗會 吳炎 顧大韶 歸莊

潘耒 章 張雋

卷五

黃周星 董說 王世美 李確 沈壽民 傅山

卷六

杜濬 申涵光 張次仲 查繼佐 鄭與僑 張嘉玲

卷七

國朝文匯

姓氏目錄

甲前集

王錫闡

屈大均

王澐

陳宏緒

易學實

卷八

萬應隆

戴笠

顧偉

卷九

顧景星

朱一是

陳瑚

黃侃

卷十

劉獻廷

萬斯大

萬斯同

錢澄之

卷十一

冒襄

任源祥

杜越

楊無咎

魏際瑞

卷十二

魏禧

卷十三

魏禮

彭士望

邱維屏

李騰蛟

林時益

彭任

曾燦

冷士嶠

胡承詒

周容

卷十四

刁包

應撫謙

王大經

張怡

李柏

朱鶴齡

卷十五

朱用純

李世熊

柴紹炳

張光緯

傅占衡

卷十六

張自烈

劉城

嚴首昇

毛先舒

談遷

卷十七

周貫

查容

林璐

王煒

黃晉良

吳騏

謝文潯

彭師度

李煥章

卷十八

何穀

孫治

陸元輔

李鄴嗣

卷十九

孫永祚

顧祖禹

賀國璘

張賁

唐靖

許楚

周拱宸

徐晟

王鳴雷

潘爾燮

卷二十

雷士俊

賀貽孫

周篆

彭孫貽

蔡方炳

馮景

顧有孝 金人瑞

國朝文匯甲前集目錄

卷一

顧炎武

原名綽號亭林江南崑山人前明諸生有亭林集

郡縣論一

郡縣論二

郡縣論三

郡縣論四

郡縣論五

郡縣論六

郡縣論七

郡縣論八

郡縣論九

子胥鞭平王之尸辨

與友人論學書

書故總督孫公清屯疏後

五

四

四

三

三

三

二

二

二

一

一

一

裴村記

五

華陰王氏宗祠記

六

黃宗義

字太冲號梨洲浙江餘姚人有南雷文鈔

錢退山詩文序

八

萬履安先生詩序

八

萬里尋兄記

九

過雲木冰記

九

錢忠介公傳

十

蔣洲傳

十二

大學士機山錢公神道碑銘

十四

吏部尚書諡忠襄徐公神道碑銘

十六

劉瑞當先生墓誌銘

十九

徵君沈耕巖先生墓誌銘

二十一

陳定生先生墓誌銘

二十二

陸周明墓誌銘

二十四

移史館熊公兩殷行狀

二十五

國朝文匯甲前集卷一

郡縣論一

顧炎武

知封建之所以變而為郡縣則知郡縣之敝而將復變然則將復變而為封建乎曰
不能有聖人起寓封建之意於郡縣之中而天下治矣蓋自漢以至之人莫不謂秦
以孤立而亡不知秦之亡不封建亡封建亦亡而封建之廢固自周衰之日而不自
於秦也封建之廢非一日之故也雖聖人起亦將變而為郡縣方今郡縣之敝已極
而無聖人出焉尚一一仍其故事此民生之所以日貧中國之所以日弱而益趨於
亂也何則封建之失其專在下郡縣之失其專在上古之聖人以公心待天下之人
胙之土而分之國今之君人者盡四海之內為我郡縣猶不足也人人而疑之事事
而制之科條文簿日多於一日而又設之監司設之督撫以為如此守令不得以殘
害其民矣不知有司之官凜凜焉救過之不給以得代為幸而無肯為其民與一日
之利者民烏得而不窮國烏得而不弱率此不變雖千百年而吾知其與亂同事日
甚一日者矣然則尊令長之秩而予之以生財治人之權罷監司之任設世官之獎
行辟屬之法所謂寓封建之意於郡縣之中而二千年以來之敝可以復振後之君
苟欲厚民生強國勢則必用吾言矣

郡縣論二

其說曰。改知縣為五品官。正其名曰縣令。任是職者。必用千里以內。習其風土之人。其初曰試令。三年稱職為真。又三年稱職。封父母。又三年稱職。重書勞問。又三年稱職。進階益祿。任之終身。其老疾乞休者。舉子若弟代。不舉子若弟。舉他人者。聽既代。去處其縣為祭酒祿之終身。所舉之人。復為試令。三年稱職為真。如上法。每三四縣。若五六縣為郡。郡設一太守。太守三年一代。詔遣御史巡方。一年一代。其督撫司道。悉罷。令以下設一丞。吏部選授。丞任九年以上。得補令。丞以下曰簿。曰尉。曰博士。曰驛丞。曰司倉。曰游徼。曰番夫之屬。備設之母。裁其人。聽令自擇。報名於吏部。簿以下。得用本邑人為之。令有得罪於民者。小則流。大則殺。其稱職者。既家於縣。則除其本籍。夫使天下之為縣令者。不得遷。又不得歸。其身與縣終。而子孫世世處焉。不職者。流。貪以敗官者。殺。夫居則為縣宰。去則為流人。賞則為世官。罰則為斬絞。豈有不勉而為良吏者哉。

郡縣論三

何謂稱職。曰土地闢。田野治。樹木蕃。溝洫修。城郭固。倉廩實。學校興。盜賊屏。戎器完。而其大者。則人民樂業而已。夫養民者。如人家之畜五孳然。司馬牛者一人。司芻豢

者復一人又使紀綱之僕監之升斗之計必聞之於其主人而馬牛之瘠也日甚吾則不然擇一圉人之勤幹者委之以馬牛給之以牧地使其所出當浮於所養而視其肥息者賞之否則撻之然則其為主人者必為民也必橋姚也故天下之患一圉人之足辨而為是紛紛者也不信其圉人而用其監僕甚者并監僕又不信馬而主人之耳目亂矣於是愛馬牛之心常不勝其吝芻粟之計而畜產耗矣故馬以一圉人而肥民以一令而樂

郡縣論四

或曰無監司令不已重乎子弟代無乃專乎十里以內之人不私其親故乎夫吏職之所以多為親故撓者以其遠也使並處一城之內則雖欲撓之而有不可者自漢以來守鄉郡者多矣曲阜之令鮮以貪酷敗者非孔氏之子獨賢其勢然也若以子弟得代而慮其專叢爾之縣其能稱兵以叛乎上有太守不能舉旁縣之兵以討之乎太守欲反其五六縣者肯舍其可傳子弟之官而從亂乎不見播州之楊傳八百年而以叛受戮乎若曰無監司不可為治南畿十四府四州何以自達於六部乎且今之州縣官無定守民無定奉是以常有盜賊戎翟之禍至一州則一州破至一縣則一縣殘不此之圖而慮令長之擅此之謂不知類也

郡縣論五

天下之人各懷其家各私其子其常情也。為天子為百姓之心必不如其自為此在三代以上已然矣。聖人者因而用之。用天下之私以成一人之公。而天下治。夫使縣令得私其百里之地。則縣之人民皆其子姓。縣之土地皆其田疇。縣之城郭皆其藩垣。縣之倉廩皆其困窮。為子姓則必愛之而勿傷。為田疇則必治之而勿棄。為藩垣困窮則必繕之而勿損。自令言之。私也。自天子言之。所求乎治天下者如是焉止矣。一旦有不虞之變。必不如劉淵石勒王仙芝黃巢之輩橫行千里。如入無人之境也。於是有效死勿去之守。於是有合從締交之拒。非為天子也。為其私也。為其私所以為天子也。故天下之私天子之公也。公則說信則人任焉。此三代之治可以庶幾而況乎漢唐之盛不難致也。

郡縣論六

今天下之患莫大乎貧。用吾之說則五年而小康。十年而大富。且以馬言之。天下驛遞往來以及州縣上計京師。白事司府。迎候上官。遞送文書。及庶人在官所用之馬。一歲無慮百萬匹。其行無慮萬萬里。今則十減六七。而西北之馬。歲不可勝用矣。以文冊言之。一事必報數衙門。往復駁勘必數次。以及迎候生辰拜賀之用。其紙料之

費率諸民者。歲不下巨萬。今則十減七八。而東南之竹箭。不可勝用矣。他物之稱是者。不可悉數。且使為令者。得以省耕斂。數樹畜。而田功之獲。果蔬之收。六畜之孽。材木之茂。五年之中。必當倍益。從是而山澤之利。亦可開也。夫採礦之役。自元以前。歲以為常。先朝所以閉之而不發者。以其召亂也。譬之有窖金焉。發於五達之衢。則市人聚而爭之。發於堂室之內。則唯主人有之。門外者不得而爭之。今有礦焉。天子開之。是發金於五達之衢也。縣令開之。是發金於堂室之內也。利盡山澤。而不取諸民。故曰此富國之策也。

郡縣論七

法之敝也。莫甚乎以東州之餉。而給西邊之兵。以南郡之糧。而濟北方之驛。今則一切歸於其縣。量其衝僻。衡其繁簡。使一縣之用。常寬然有餘。又留一縣之官之祿。亦必使之溢於常數。而其餘者。然後定為解京之額。其先必則壤定賦。取田之上中下。列為三等。或五等。其所入悉委縣令收之。其解京曰貢。曰賦。其非時之辦。則於額賦支銷。若盡一縣之入。用之而猶不足。然後以他縣之賦益之。名為協濟。此則天子之財。不可以為常額。然而行此十年。必無盡一縣之入。用之而猶不足者也。

郡縣論八

善乎葉正則之言曰。今天下官無封建。而吏有封建。州縣之敝。吏胥窟穴其中。父以是傳之子。兄以是傳之弟。而其尤桀黠者。則進而為院司之書吏。以掣州縣之權。上之人明知為天下之大害。而不能去也。使官皆千里以內之人。習其民事。而又終其身任之。則上下辨而民志定矣。文法除而吏事簡矣。官之力足以御吏。而有餘吏無所以把持其官。而自循其法。昔人所謂養百萬虎狼於民間者。將一旦而盡去。治天下之愉快。孰過於此。

郡縣論九

取士之制其薦之也。略用古人鄉舉里選之意。其試之也。略用唐人身言書判之法。縣舉賢能之士。間歲一人。試於部上者。為郎無定員。郎之高第得出而補令。次者為丞。於其近郡用之。又次者歸其本縣。署為簿尉之屬。而學校之設。聽令與其邑之士自聘之。謂之師。不謂之官。不隸名於吏部。而在京則公卿以上。倣漢人三府辟召之法。參而用之。夫天下之士。有道德而不願仕者。則為人師。有學術才能而思自見於世者。其縣令得而舉之。三府得而辟之。其亦可以無失士矣。或曰。間歲一人。功名之路。無乃狹乎。化天下之士。使之不競於功名。王治之大者也。且顏淵不仕。閔子辭官。漆雕未能。曾皙異撰。亦何必於功名哉。

子胥鞭平王之尸辨

人之大倫曰君臣曰父子臣事君猶子事父也苟為父報讐則必甘心焉而後已甘心焉而後已者於凡人可也於君則有不得以行之者矣太史公言子胥鞭楚平王之尸春秋傳不載而余因以疑之疑春秋以前無發冢戮尸之事而子胥亦不得以行之平王也鄭人為君討賊不過斷子家之棺而已齊懿公掘郕鄆之父而刑之衛出公掘褚師定子之墓焚之於平莊之上傳皆書之以著其虐是春秋以前無發冢戮尸之事也平王固員之父讐而亦員之君也且淫刑之罪孰與篡弑一人之讐孰與普天報怨之師孰與討賊唐莊宗尚不加於朱溫而子胥以加之平王吾又以知其無是事也考古人之事必於書之近古者穀梁傳云吳入楚捷平王之墓賈誼新書亦云呂氏春秋云鞭荆平之墓三百越絕書云子胥操極答平王之墓淮南子云閻閻鞭荆平王之墓舍昭王之宮而季布傳亦言此伍子胥所以鞭荆平王之墓也蓋止於鞭墓而傳者甚之以為鞭尸使後代之人蔑棄人倫讐對枯骨趙襄子漆智伯之頭王莽發定陶恭王母丁姬之冢慕容儼投石虎尸於漳水姚萇僞捷苻堅薦之以棘王頒發陳高祖陵焚骨取灰投水而飲之楊璉真珈取宋諸帝之骸與牛馬同瘞或快意於所仇或肆威於亡國未必非斯言啟之也然則鞭墓可乎亦曰員之

所以為員而已矣

與友人論學書

比往來南北頗承友朋推一日之長問道於盲竊歎夫百餘年以來之為學者往往言心言性而茫乎不得其解也命與仁夫子之所罕言也性與天道子貢之所未得聞也性命之理著之易傳未嘗數以語人其答問士也則曰行己有恥其為學則曰好古敏求其與門弟子言舉堯舜相傳所謂危微精一之說一切不道而但曰允執其中四海困窮天祿永終嗚呼聖人之所以為學者何其平易而可循也故曰下學而上達顏子之幾乎聖也猶曰博我以文其告哀公也明善之功先之以博學自曾子而下篤實無若子夏而其言仁也則曰博學而篤志切問而近思今之君子則不然聚賓客門人之學者數百人譬諸草木區以別矣而一皆與之言心言性舍多學而識以求一貫之方置四海之困窮不言而終日講危微精一之說是必其道之高乎夫子而其弟子之賢于子貢桃東魯而直接二帝之心傳者也我弗敢知也孟子一書言心言性亦諄諄矣乃至萬章公孫丑陳代陳臻周霄彭更之所問與孟子之所當者常在乎出處去就辭受取與之間以伊尹之元聖堯舜其君其民之盛德大功而其本乃在乎千駟一介之不視不取伯夷伊尹之不同於孔子也而其同者

則以行一不義殺一不辜而得天下不為是故性也命也天也夫子之所罕言而今之君子之所恒言也出處去就辭受取予之辨孔子孟子之所恒言而今之君子所罕言也謂忠與清之未至於仁而不知不忠與清而可以言仁者未之有也謂不忮不求之不足以盡道而不知終身於忮且求而可以言道者未之有也我弗敢知也愚所謂聖人之道者如之何曰博學以文曰行己有恥自一身以至於天下國家皆學之事也自子臣弟友以至出入往來辭受取予之間皆有恥之事也恥之於人大矣不恥惡衣惡食而恥匹夫匹婦之不被其澤故曰萬物皆備於我矣反身而誠鳴呼士而不先言恥則為無本之人非好古而多聞則為空虛之學以無本之人而講空虛之學吾見其日從事於聖人而去之彌遠也雖然非愚之所敢言也且以區區之見私諸同志而求起予

書故總督孫公清屯疏後

國家當危亂之日未嘗無能任事之人而嘗患於不用用矣患不專用之專且效矣患於輕徙其官使之有才不得遂其用以至於敗而國隨之若總督兵部尚書孫公之事可悲矣方崇禎朝流賊為秦患且五六年天子一旦用公巡撫陝西於是兵且日增而餉絀公以為國家之所以足軍食者屯田也承平既久而額設之田乃為權

豪有力者所據。以至隱占侵沒。弊孔百出。而軍食虧。軍食虧而國家且不得一軍之用。是國家之患不在賊。而在隱占侵沒之人也。於是下令清屯。健丁一授田百畝。免其租課。其餘地分為三等。徵糧濟餉。先行之於西安三衛。而軍果大譁。斬李進成等七人而後定。持之不變。期月之間。所清釐而歸之天子者。計兵得九千餘。餉銀一十四萬。天子為降詔褒賞進秩。而關中之賊或斬或擒。或撫。三年關中幾無賊矣。而東邊告急。天子用武陵楊公之言。召公入援。遂用之。督師薊州。又移之保定。而公請陛見不許。因以病辭。且得罪下獄。及賊陷襄。雖復出。公總督軍務。公至關中。而事已不可為矣。使當日用他將。統勤王之師。而自陝以西悉委之公。十年而秦其效。則他邊方雖潰敗。而公必能為國家保有關中。以待天子。且使賊不得關中。必不敢長驅而向關也。一詔移公。而國之存亡乃判於此。余讀公清屯疏及文移。而深有感焉。公之子世瑞世甯。請為公立傳。而功狀缺佚。不得其詳。故特舉其大者書之於此。以見公以一身而係天下之重。然則天下未嘗無人。而患於不用。又患於用之而徙。用徙之間。無幾何時。而大事已去。此忠臣義士所以追論而流涕者。嗚呼。烈皇末年之事。可勝歎哉。

裴村記

嗚呼自治道愈下。而國無彊宗。無彊宗是以無立國。無立國是以內潰外畔。而卒至於亡。然則宗法之存。非所以扶人紀而張國勢者乎。余至聞喜縣之裴村。拜於晉公之祠。問其苗裔尚一二百人。有釋耒而陪拜者。出至官道旁。讀唐時碑。載其譜牒。世系登隴而望十里之內。邱墓相連。其名字官爵可攷者。尚百數十人。蓋近古氏族之盛。莫過於唐。而河中為唐近畿地。其地重而族厚。若解之。柳聞喜之裴。皆歷任數百年。冠裳不絕。汾陰之薛。憑河自保。於石虎苻堅割據之際。而未嘗一仕其朝。猗氏之樊王。舉義兵以抗高歡之衆。此非三代之法猶存。而其人之賢者。又率之以保家亢宗之道。胡以能久而不衰。若是自唐之亡。而譜牒與之俱盡。然而裴樞輩六人。猶為全忠所忌。必待殺之。白馬驛而後篡唐。氏族之有關於人國也。如此。至於五代之季。天位幾如奕碁。而大族高門。降為卑隸。靖康之變。無一家能相統帥以自保者。夏縣之司馬氏。舉宗南渡。而反其里者。未百年也。嗚呼。此治道之所以日趨於下。而一旦有變。人主無可仗之大臣。國人無可依之巨室。相率奔竄。以求苟免。是非其必至之勢也。與是以唐之天子貴士族。而厚門蔭。蓋知封建之不可復。而寓其意於士大夫。以自衛於一旦倉黃之際。固非後之人主所能知也。予嘗歷覽山東河北。自兵興以來。州縣之能不至於殘破者。多得之豪家大姓之力。而不盡恃乎其長吏。及至河

東問賊李自成所以長驅而下三晉之故。慨焉傷之。或言曰：崇禎之末，輔臣李建泰者，曲沃人也。賊入西安，天子臨朝而歎。建泰對言：臣郡當賊衝，臣請率宗人鄉里出財百萬為國家守河上。大喜。命建泰督師，親餞之。正陽門樓舉累朝所傳之御器而酌之酒，因以賜之。未出京師，平陽太原相繼陷。建泰不知所為，師次真定，而賊已自居庸入矣。此其人材之凡劣，固又出於王鐸張濬之下。二人皆唐末宰相，統師出討而敗績者。而上之人無權以與之，無法以聯之，非一朝一夕之故矣。乃欲其大臣者，以區區宰輔之虛名而繫社稷安危之命，此必不可得之數也。周官太宰以九兩繫邦國之民，五曰宗以族得民，觀裴氏之與唐存亡，亦略可見矣。夫不能復封建之治而欲藉士大夫之勢以立其國者，其在重氏族哉。

華陰王氏宗祠記

昔者孔子既沒，弟子錄其遺言以為論語，而獨取有子曾子之言。次於卷首，何哉？夫子所以教人者，無非以立天下之人倫，而孝弟人倫之本也。慎終追遠，孝弟之實也。甚哉有子曾子之言似夫子也。是故有人倫然後有風俗，有風俗然後有政事，有政事然後有國家。先王之於民，其生也為之，九族之紀，大宗小宗之屬，以聯之。其死也為之，疏衰之服，哭泣殯葬虞祔之節，以送之。其遠也為之，廟室之制，禘嘗之禮，鼎俎

邊豆之物以薦之。其施之朝廷。用之鄉黨。講之庠序。無非此之為務也。故民德厚而禮俗成。上下安而暴戾不作。自三代以下。人主之於民。賦斂之而已。爾役使之而已。爾。凡所以為厚生正德之事。一切置之不理。而聽民之所自為。於是乎教化之權。常不在上。而在下。兩漢以來。儒者之教。亦可得而攷矣。自二戴之傳。二鄭之注。專門之學。以禮為宗。歷三國兩晉南北五季。干戈分裂之際。而未嘗絕也。至宋程朱諸子。卓然有見於遺經。而金元之代。有志者多求其說於南方。以授學者。及乎有明之初。風俗淳厚。而愛親敬長之道。達諸天下。其能以宗法訓其家人。而立廟以祀。或累世同居。稱之為義門者。亦往往而有。十室之忠信。比肩而接踵。夫其處乎離亂偏方。閭閻位之日。而守之不變。孰勸帥之而然哉。國亂於上。而教明於下。易曰。改邑不改井。言經常之道。賴君子而存也。嗚呼。至於今日。而先王之所以為教。賢者之所以為俗。殆漸滅而無餘矣。列在搢紳。而家無主祀。非寒食野祭。則不復薦其先人。期功之慘。遂不制服。而父母之喪。多留任而不去。同姓通宗。而不限於奴僕。女嫁死而無出。則責償其所遣之財。昏媾異類。而脇持其鄰里利之所在。則不愛其親。而愛他人。於是機詐之變日深。而廉恥道盡。其不至於率獸食人。而人相食者。幾希矣。昔春秋之時。弑君三十六。亡國五十二。而秉禮之邦。守道之士。不絕於書。未若今之滔滔皆是也。此五

國朝文匯

卷一

七

國學扶輪社印

帝三王之大去其天下。而乾坤或幾乎息之秋也。又何言政事哉。吾友華陰王君宏撰鄰華先生之季子。而為徵華先生後者也。遊婺州二年而歸。乃作祠堂以奉其始祖。取其子姓而告之以尊祖敬宗之道。其鄉之老者喟然言曰。不見此禮久矣。為之兆也。其足以行乎。孟子有言惻隱之心。仁之端也。夫躬行孝弟之道。以感發天下之人心。使之惕然有省。而觀今世之事。若無以自容。然後積污之俗。可得而新。先王之教。可得而興也。王君勉之矣。

錢退山詩文序

黃宗羲

余過甬上。適退山自淮歸。出其詩文屬余評定。閱之終卷。其家傳足補史氏之闕。文其談詩能留風雅之墜緒。蕙芷芳潔。非紅塵變場中筆墨也。慨自唐以前為詩者。極其性分所至。鉅心劇腸。畢一生之力。春蘭秋菊。各自成家。以聽後世之品藻。如鍾嶸之詩品。辨體明宗。固未嘗墨守一家以為準的也。至於有宋。折衷之學始大盛。江西以汗漫廣漠為唐永嘉以脰鳴吻呖為唐。即同一晚唐也。有謂其纖巧。釀亡國之音。有謂其聲宏遠。正始之響。學崑體者謂之村夫子。學郊島者謂之字面詩。入主出奴。謠諑繁興。莫不以為折衷羣言。然良金華玉。並行而不悖。必欲銖兩以定其價。為之去取。恐山川之靈氣。割裂於市師之手矣。退山言作詩者。固當出之以性情。尤當橫之以才識。涵濡蘊蓄。更當俟之以火候。三者不至。不可以言詩。此與宋景濂五美之論。互相發明。其於古今作者。有品藻而無折衷。蓋不欲定於一家。以隘詩路也。嗟乎。退山飄零鯨背。與殍戶鯁人。共夫煙火十死之餘。人世富貴福澤之氣。煎銷淨盡。而後甘苦鹹酸之味始出。嗟乎。退山詩即工矣。究竟何用。不過與悲蟬啼螭。爭鳴楓林。葦叢間。彼作為雅頌陳之廟堂者。皆時文捷徑之人物也。於退山乎何有。

萬履安先生詩序

李杲堂選甬上耆舊詩。余欲合陸文虎萬履安兩先生刻之。杲堂以兩先生同時之人。其子孫未免比附。故稍遲之以待潦水之盡。杲堂既卒。公擇欲先以家集行。世間序於余。余謂先生之詩。不可不急行也。今之稱杜詩者。以為詩史。亦信然矣。然註杜者。但見以史證詩。未聞以詩補史之闕。雖曰詩史。史固無藉乎詩也。達夫流極之運。東觀蘭臺。但記事功。而天地之所以不毀。名教之所以僅存者。多在亡國之人物。血心流注。朝露同晞。史於是而亡矣。猶幸野制遙傳。苦語難銷。此耿耿者。明滅於爛紙昏墨之餘。九原可作。地起泥香。庸詎知史亡而後詩作乎。是故景炎祥興。宋史且不為之立本紀。非指南集杜何由知閩廣之興廢。非水雲之詩何由知亡國之慘。非白石晞髮何由知竺國之雙經。陳宜中之契濶。心史亮其苦心。黃東發之野死。寶幢志其處所。可不謂之詩史乎。元之亡也。渡海乞援之事。見於九靈之詩。而鐵崖之樂府。霍年席帽之痛哭。猶然金版之出地也。皆非史之所能盡矣。明室之亡。分國敵人。紀年鬼窟。較之前代干戈。久無條序。其從亡之士。章皇草澤之民。不無危苦之詞。以余所見者。石齋次野介子霞舟希聲蒼水密之十餘家。無關受命之筆。然故國之鏗爾。不可不謂之史也。先生固十餘家之一也。生平未嘗作詩。今續騷堂寒松齋粵草。皆遭亂以來之作也。避地幽憂。訪死間生。驚離吊往。所至之地。必拾其遺事。表其逸民。

而先生之詩亦遂淒楚蘊結而不可解矣。夫蔓草零露仍歸天壤亦復何限。先生獨不能以餘力留之乎。故先生之詩真詩史也。孔子之所不刪者也。

萬里尋兄記

義六世祖小雷府君諱璽字廷璽兄弟六人長伯震商於外踰十年不歸府君魂祈夢請卜之瓊茅蚌殼之間茫然不得影響作而曰吾兄不過在域內吾兄可至吾何獨不可至乎。躡屨出門鄉黨阻之曰汝不知兄之所至。東西南北從何處尋起。府君曰吾兄商也商之所在必通都大邑吾盡歷通都大邑必得兄矣。於是裂紙數千繕寫其兄里系年貌為零丁所過之處輒榜之宮觀街市間冀兄或見之。即兄不見而知兄者或見之也。經行萬里三山獠洞八角蠻陬踪跡殆遍卒無所遇。府君禱之衡山夢有人誦沈綿盜賊際狼狽江漢行者覺而以為不祥遇士人占之問君何所求。府君曰吾為尋兄至此。士人曰此杜少陵春陵行中句也。春陵今之道州。君入道州定知消息。府君遂至道州徬徨訪問音塵不接一日奏厠置傘路旁。伯震過之見傘而心動曰此吾鄉之傘也。循其柄而視之有字一行曰姚江黃廷璽記。伯震方驚駭未決府君出而相視若夢寐慟哭失聲。道路觀者亦歎息泣下。時伯震已有田園妻子於道州。府君卒挽之而歸。嘗觀史傳人子所遭不幸間關踣頓求父求母者不絕。

書為人弟而求兄者無聞焉。豈世無其事歟。抑有其事而紀載者忽之歟。方府君越險阻犯霜雪。跋涉山川。餓體凍膚。而不顧指口槁腸。而不卹窮天地之所覆載。際日月之所照臨。汲汲皇皇。唯此一事。視天下無有可以易吾兄者。而其時當景泰天順之際。英宗景皇獨非兄弟耶。景皇唯恐其兄之入。英宗唯恐其弟之生。富貴利害伐性傷恩。以視府君愛惡頓殊。可不謂天地綱常之寄。反在草野乎。

過雲木冰記

歲在壬午。余與晦木澤望入四明。自雪竇返至過雲。雲霧瀉瀉。蒸滿山谷。雲亂不飛。瀑危弗落。遐路窈然。夜行撒燭。霧露沾衣。嵐寒折骨。相視褫氣。呼嗟咽續。忽爾冥霽。地表雲斂。天末萬物改觀。浩然目奪。小草珠圓。長條玉潔。瓏鬆插於幽篁。纓絡纏於蘿闌。瑤琤俯仰。金奏石搏。雖一葉一莖之微。亦莫不冰纏而霧結。余貽盼而數曰。此非所謂木冰乎。春秋書之。五行志之。奈何當吾地。而有此異乎。言未卒。有居僧笑於傍曰。是奚足異。山中苦寒。纔入冬月。風起雲落。即凍洛飄山。以故霜雪常積也。蓋其地當萬山之中。翳塵沸響。肩鑄人間。村煙佛照。無殊陰火之潛。故為愆陽之所不入。去平原一萬八千丈。剛風疾輪。侵鏤心骨。南箕哆口。飛廉弭節。土囊大隧。所在而是。故為勃鬱煩冤之所不散。溪回壑轉。蛟螭蟄蛰。山鬼竄窺。腥風之衝動。震瀑之敲噬。

天呵地吼陰崖泓穴聚電堆冰故為元冥之所長駕羣峰灌頂北斗墮脇藜蓬臭蔚雖焦原竭澤巫吁魃舞常如夜行秋爽故為曜靈之所割匿且其怪松人楓岩石因草碎碑埋甃枯齒碧骨皆足以興吐雲雨而僊宮神治山岳炳靈高僧懸記冶烏木客宵萃幽深其氣皆斂而不揚故恒寒而無燠余乃喟然曰嗟乎同一寒暑有不聽命於造化之地同一過武有無關係於吉凶之占居其間者亦豈無凌峯掘藥高言畸行無與於人世治亂之數者乎余方齟齬世度將欲過而問之

錢忠介公傳

錢忠介公肅樂字希聲別號虞孫浙之鄞人也祖若膺隆慶辛未進士知臨江府臨江三子長靖忠舉萬曆戊午鄉試次益忠瑞安縣學訓導次敬忠己未進士知甯國府公瑞安之子也母楊氏繼母傅氏公登崇禎癸丑進士第是時場屋之文雖宗大家而無所根柢獨公沈湛於大全以歐曾之法出之故一時號為名家授太倉知州二張負人倫之鑒吏於其邑者瑕疵立見公下車未幾二張交口譏誦公每謂人曰我若得罪天地當令子孫斬絕自揣歸家量口炊米裁身置屋書生門戶如斯而已遷刑部員外郎丁瑞安憂浙東議降附公大會縉紳士子於城隍廟痛哭數陳建立義旗鄙夫恐之禍階者陰致書定帥王之仁謂淪淪訖訖起自一二庸妄書生須以

公之兵威脇之方可無事庸妄書生者指公而言也已而定帥至甯陳兵教場亦受
公約出鄙夫之書洛誦壇上鄙夫戟手欲奪之定帥色變公令之任餉而止畫江之
守公分訊爪漚陞都察院右僉都御史尋陞右副都御史上言國有十亡而無一存
民有十死而無一生賢人肥遯不肖攘臂一也憲臣劉宗周之死關係宗社密章太
牢朝典未備二也外戚張國俊權傾中外共指神叢三也臺省直諫發言盈廷無俾
羣枉四也朝章令甲委諸草莽五也狎邪小人借推戴以呈身闡茸下流冒舉義而
入幕六也楚藩江干開詔息同姓之爭李長祥面加斥辱七也咫尺江波烽煙不息
而越城哀衣博帶滿目太平譏笑漏舟之中回翔焚棟之下八也所與託國者強半
宏光故臣鴟鵂怪聲東徙尤惡飛蛾滅燭至死不改九也民為根本七月雨水廬舍
漂沒以水死西成失望以饑死執干戈以衛社稷以戰死文武衙門絳標寸紙一日
數至以供應死越人衣食取辦於舟楫調發既多民皆沉舟束手以無藝死比戶困
於誅求此營未去彼營又來以財死富室輸財亦以義動之非有罪也而動加榜掠
牢囚以刑死大兵所過沿門供億怒罵及於婦女以辱死甲獻乙之貨丙報丁之怨
百毒齊起以憂恐死今竭小民之膏血不足供藩鎮之一吸將來合萬鎮之兵馬不
能衛小民之一髮恐以髮死十也若不圖變計不知所稅駕矣戶部主事邵之詹畫

地分餉以紹興八邑各有師專供本郡甯波專給王藩公言臣師二千既無分地理須散遣但臣自舉義而來大恥未雪終不敢歸安廬墓散兵之日單丁入伍濟則君之靈也不濟以死繼之浙師既潰沉海入閩思文授以原官閩亦尋破隱於福州之化南魯王航海至閩從亡者文臣熊汝霖孫延齡武臣建國鄭彩平周崔芝問安周瑞蕩湖阮進汝霖為東閣大學士建國署兵部尚書事公朝見建國舉以自代王謂諸臣曰江上之師不能成功病在不歸於一公請以建國為元戎諸鎮皆受其節制則兵出於一矣又言兵貴精練然練兵非旦夕事也今命建國挑選敢死善戰之士不論某營某營另為一軍自今一切封拜掛印暫行停止懸金印於此令曰有能將建國挑選之兵先鋒破敵不論守把等官即以印佩之議者曰不然各藩以私錢養其私兵孰肯令其挑之以去公言無已則改前法今自建國以下六大營每營挑選敢死善戰之士另為六軍懸金印六於此令曰有能將本營挑選之士破敵者不論守把等官各以印佩之王以為然自是之後兵威頗振王之初入閩也次中左所中左所者賜姓所營之地也賜姓不肯奉王以丁亥歲為隆武三年故王改次長垣建國自以其軍連破郡邑賜姓不與焉是年十月公擬詔頒明年魯三年戊子大統廡於是海上遂有二朔時劉沂春吳鍾燮皆隱遁不起公疏薦沂春為右副都御

史鍾鑾為通政司使。又寓書兩公。時平則高洗耳。世亂則美褰裳。急病讓夷。前哲訓也。司徒女子。猶知君父。東海婦人。尚切報仇。嗟乎。公等忍負斯言。二公翻然就道。而思文遣臣。無不出矣。戊子。王次閩。安鎮公請立史官。言近者主上遣使訪求隆武。又議為宏光發喪。長樂知縣鄭以佳。科臣劾之。主上憫其清苦。又重遣言官。姑降級消息之。旋與蒲雪。即此三事。皆可傳遠。豈以艱難。遂泯成績。晉東閣大學士兼吏部尚書。疏辭者四。面辭者三。王終不聽。與馬思理。劉正亨。同入直。當是時。以海水為金湯。以舟楫為宮殿。公每日繫河。躬於駕舟之次。票擬章奏。即於其中接見賓客。票擬封進。牽船別去。匡坐讀書。其所票擬。亦不過上疏乞官。部覆細小之事。大者則建國主之。王亦不得而問也。先是大學士劉中藻起兵福安。攻福寧州。將破。其帥涂登華欲降。第謂人曰。豈有海上天子。船中國公。公致書謂將軍獨不聞有宋末年。二王不在海上。文陸不在船中乎。今將軍死守孤城。以言乎忠義。則非其人也。以言乎保身。則非其策也。依沸鼎以稱安。巢危林而自得計之左矣。登華遂詣建國降。建國欲使其私人守之。劉相不可。建國反掠其地。公與劉相書。每不直建國建國聞之。恨甚。公固有血疾。至是憂憤。疾動而卒。六月五日也。年四十三。王遣官致祭。贈太保。諡忠介。後六年。而閩人葉進晟墓之黃蘗山。

舊史曰。自會稽而航海者。孫碩。廣熊。兩殷。沈彤。庵與公四人。皆相行朝。孫碩於瀚洲。沈沈於南日。公與熊皆因鄭彩而死。在昔文謝孤軍。角逐於萬死一生之中。空坑安仁之敗。亦是用兵非其所長。其進止固得自由也。未有一切大臣聽命於武夫之恣睢排棄。同此呼吸之死生。而蠢然不得一置可否。如幕客如旅人。閩有平國。浙有方王。海上則建國。賜姓定西。不啻一邱之貉。公與兩殷稍欲有所發舒。朝懷異議。暮入黃墟。忠臣之熱血。不灑於疆場之鐘鼓。日染夫睚眦之干戈。雖由遇此厄會。然推原其故。有明文武過分。書生視戎事如鬼神。將謂別有授受。前此姑置。當其建義之始。兵權在握。諸公皆惶恐推去。不敢自任。武人大君而悔已無及矣。公之從子魯恭。欲余次之。二十年來。乘桴之事。若滅若沒。停筆追思。不知流涕之覆面也。

蔣洲傳

蔣洲字宗信。別號龍溪。鄞縣人。補其學諸生。好游俠。留連管樂。平居愛客。置酒雅歌。投壺高睨。大談終日不倦。以故人樂與之遊。嘉靖癸丑。王直勾倭入寇。烈港直敘人。母汪嫗夢弧矢星入懷而生。長而與其徒入海。連巨舶。載硝磺絲綿。違禁諸器物。往來互市於日本。暹羅。西洋各國。貨累鉅萬。各島君長以下。並信服之。稱為五峯船主。其號廣有賊。首陳思盼者。不入直黨。直掩殺之。併其衆。由是海上之寇。非受直節制。

不能存威名籍甚。尋招集亡命。據薩摩州之松浦。僭稱徵王。置官屬三十六。號令島人。時時遣部下剽攻沿海郡邑。東南危動。當是時。胡梅林宗憲開府浙直。歷訪奇士。而宗信之。里人都督萬鹿園。表留心人物。謂梅林曰。里有蔣生者。縱橫之士也。梅林遂介鹿園。置之幕府。宗信曰。漢之困於匈奴。由中行說也。宋之患於元昊。由張元也。自王直航海。遂有東南之禍。今與我爭於鯨鯢之上者。皆直之分。鯨也。我不得直。彼鵠附。盡援其可。既乎。直之母妻與子。盡在我地。彼雖作賊。骨肉刺心。公如開以丹青之信。未有不就。戎索者。梅林曰。此名計也。請於朝。授宗信提舉。以陳可願。為副。復救海上亡命十餘人。使之向導。直之子澄。亦齎血致書於父。曰。幕府長者。唯願一見阿父。以有詞於朝。無他患也。乙卯九月。開洋至小衛山。七日抵五島。島倭疑為商舶。將肆劫。勒有僧譯之。酋長始郊迎。示以天朝宣諭之旨。酋長受命。乃使人招王直。直至。殊作意氣。宗信諭之曰。君即不念祖宗墳墓。獨不為老母妻子計乎。國家方急東方。誠以此時。罷遣銜。蘇網絡波臣。此萬世刻石之功也。兼官重版。舍君誰適。不然。倭情貪狡。國家練帛無限。購君萬里之外。不異庭除矣。直感其至言。苦意。遂與之同食。遞衣。言無不盡。偕返松浦。日本以天文王為共主。然號令不出國門。各島自相雄長。豐後山口。又島中之最雄者也。故入寇者多二島之人。直與宗信同行。宣諭明年。

丙辰至博多津。召其色目。賞賜旅誓。四月至豐後。島主懷音革狀。詰以從前作過。稽首主臣。願貢方物。遂令其檢攝風帆。凡筑前肥前等五十三所。羣盜盡殄。五閏月。始至山口。島主虔奉如豐後。送還被掠指揮袁進。奉表謝罪。馳啟天文王。十二月。天文王下教所部周防長門等一十二島。徧行禁約。對馬薩摩姦尤多。皆冰駭風散。方宗信未至日本時。徐海勾衆入寇。以數萬人圍桐鄉甚急。宗信聞之。遂遣陳可願與王直義子毛烈先歸諭徐海罷兵。如約海詣幕府降。而海黨陳東葉麻自相疑貳。內亂。梅林乘機擊殺之。丁巳四月。宗信同王直發松浦海船數十隻。貢使四百人。流寓六百人。碇定海關。七月。宗信及貢使僧德陽先入。而直艦為颶風飄墮朝鮮。不得偕來。宗信在日本三年。諸帥疑其掌握之內。價盈兼金。從之索賂。不應。分宜亦望有海外奇貨。宗信又無以自通。乃因王直之不至。謂其空言無事實。巡按周斯順劾奏。遂下宗信於獄。九月。直始叩關。先遣王激入見。曰。吾等奉命而來。宜有使者迎勞。道路今行李不通。而戈鋌戒嚴。公得無誑我乎。梅林曰。國法宜爾。毋我虞也。與之設誓甚苦。直終不信。曰。果爾可遣激出。梅林立遣之。復以指揮夏正為質。直於是使毛烈王激守舟。而身入見。頓首言死罪。且陳與宗信馳驅出百死。從此海有恬波矣。梅林多方慰勞。權寄獄中。梅林與直同鄉。宗信出使。本許其互市授官。及直至。流言梅林受

賂數十萬為之貨。死朝議。開科。臣徐浦復劾宗憲濫課軍需。陰縱蔣洲勾引東倭。梅林大懼。因盡易曲貨。王直之疏。謂以誘直為秘計。直罪在不赦。且謂宗信曰。吾方不自保。何能敎君功。不忘息壤。酬君請侯他日。遂疏云。蔣洲宣諭日本。已歷三年。所宣諭者。止及豐後山口。豐後雖進貢方物。而無印信。勘合山口雖有金印。回文而無國王名稱。是洲不諳國體。計其擒直。合應功罪相準。有詔誅直。王激毛烈遂殺夏正。據舟山。征之踰年。方解。宗信出獄。茫然自傷。唐荆山順之。趙大洲貞吉皆為之扼腕。頌冤。俱報罷。司馬譚綸在荊。遼召宗信參其軍事。欲使一得當以就功名。宗信流涕而言曰。洲本書生。萬里航海。父衰老而待盡。妻憂怖以致死。洲皆不顧。惟欲為國家樹尺寸之效。乃功成而謗興。屈捐命之功。比贖罪之例。洲復何望哉。公休矣。洲不能再側足於焦原矣。司馬歎息久之。隆慶壬申。中寒病卒於昌平之旅舍。余讀茅鹿門坤紀。剿徐海本末。以為倭之入寇。皆由徐海。故曲折其反覆。悔滑之術。以著平倭之要領。獨不念徐海為王直之餘黨。直苟無歸命之心。則海必不受我之籠絡。總使滅一海。而為海者皆是。亦安得盡施其鈴鍵乎。鹿門但侈脇從之治。而薄折首之勲。不已悖乎。宗信致直解東南之厄。而身填牢戶。此與陳湯斬郅支而下獄。亦復何殊。然陳湯身沒而名彰。宗信姓名曾不得與俞戚大帥之徒隸齒。豈古今之時異與。其後

沈惟敬之使關白垂成而敗身死猶為僨事者委過成則為宗信敗則為惟敬無怪天下之樂為首施也

大學士機山錢公神道碑銘

有明朋黨之禍。至於亡國。論者亦止謂其遞勝遞負。但營門戶。罔恤國是已耳。然所以亡之故。皆不能指其事實。至於易代而後明也。烈皇既誅魏奄。列其從逆者。命宰臣司寇定為逆案。首輔韓爌傷弓之後。不敢任事。機山錢公為物望所歸。首輔倚以裁決。當時從逆之徒。險拙不同。拙者妒龍爭妍。冰山富貴。累丸不止。為逆奄所用者也。險者去梯造謀。經營惡毒。豫留敗者。資其捲土重來之計。益用逆奄者也。例以渠魁脇從。但誅把持局面之險人。不過十餘。聽拙者之自去。則逆案可以不立。顧險人蓋藏甚密。破心無路。遂使滔天括地之虐。礙滯固於鬼新城旦之律文。公從票擬中為之點破。云以望氣占風之面目。誇發奸指佞之封章。蓋指楊維垣賈繼春等而為言也。此與黃瓊於梁冀誅後言羣輩相黨。自冀興盛。腹背相親。朝夕圖謀。共構姦軌。臨冀當誅。無可設巧。復記其惡。以要爵賞。其議一也。逆黨恨其割臂而盟。耽耽思以奇計中之。亡何而毛帥之事起。毛文龍者。錢塘人。遼撫王化貞之千總也。遼陽陷後。逃至皮島。招流民。通商賈。數年遂為巨鎮。然不過自營一窟耳。而掠沿海零丁。稱為

斬獲獻俘欺朝廷以牽制遼潘參紹之賂貴近者使者相望於道官至都督掛平遼將軍印索餉歲百二十萬稍不應則跋扈恐喝曰臣當解劍歸朝鮮矣而於廣甯旅順鐵山之失甯遠錦州之圍顧未嘗有一蟲一蠹之勞也其不能牽制明矣識者無不謂其疆場之蠹督師袁崇煥出山公亦以為言崇煥入皮島大閱軍士以計斬文龍其奏報之疏云臣出京時已商之於輔臣錢龍錫矣己巳之冬大安口失守兵鋒直指闕下崇煥提援師至先是崇煥守甯遠大兵屢攻不得志

太祖患之范相國文程時為章京謂

太祖曰昔漢王用陳平之計間楚君臣使項羽卒疑范增而去楚今獨不可踵其故智乎

太祖善之使人掠得小奄數人置之帳後佯欲殺之范相乃曰袁督師既許獻城則此輩皆吾臣子不必殺也陰縱之去奄人得是語密聞於上上領之而舉朝不知也崇煥戰東便門頗得利然兵已疲甚約束諸將不妄戰且請入城少憩上大疑焉復召對總城以入下之詔獄上雖疑崇煥猶未有指實止以逗留罪之而逆黨之恨公者以為不殺崇煥無以殺公不以謀叛無以殺崇煥不以毛帥頌寬則公與崇煥不得同罪於是出間金數十萬飛符上下流言小說造作端末不特烈皇證其先入朝

野傳告亦為信然。崇煥之磔，酣謳竟路。逆黨遂議一新逆案，以洩舊案之毒。以崇煥為大逆。比魏忠賢公為次逆。比崔呈秀以及東林諸君子。悉比魏廣微徐大化劉志選之流。謀既定矣。乃逮公入獄。時相主其事者，恐公入廷辯，真偽不可掩，傳語公其趣和藥，毋為崇煥續也。公仰天歎曰：我無愧於心，若冒昧自裁，皆謂我實有罪。後世誰白我者？時相聞公就道，愕然曰：彼竟來耶？公至廷，辯侃侃上，密遣人詢其語。及讞入，芟公辯辭，而鍛鍊文內，擬不時處決。且令有司設廠於紫市，蓋用夏文愍故事也。上見讞詞與所詞異，持其疏未下。明年，右中允黃公道周自田間來上疏救公，反覆久之。黃公降級去。上亦無意殺公矣。是年六月，釋公戍定海。崇煥為人驕豪，不持士節。然甲士精強，邊備修舉，自熊襄愍以後未見其比。關兵之在城外者，聞其下獄，開然稱亂，矢集皇城。兵部從獄中出其手書止之，其得士心如此。顧使之誣死，從此精銳盡喪，士卒不可以經戰陣矣。逆案雖未翻，而烈皇之胸中已隱然疑東林之敗類。由是十餘年之行事，親小人而遠君子，以至於不救。然則有明之亡，非逆案之小人亡之乎？公在戍九年，奉旨歸里。南渡始復原職，賜存問。乙酉春三月卒。年六十七。公諱龍錫，字稚文，號機山，松之華亭人。父大復，以舉人知蓬萊縣。公少從學於舅氏張以誠。登萬曆丁未進士第，以庶吉士授編修。時年二十餘，深沉寡言笑。院中推為老

成。歷官坊少詹。至南吏部侍郎時。百官皆捐金助大工。多頌逆奄。公以軍輸為言。遂遭削奪。崇禎初。起禮部尚書。東閣大學士。尋進太子太保。文淵閣。烈皇好以耳目隱發為明。多任番役。公言東廠之設。所以防姦謀。卒變也。使苛碎及於閭閻。民其堪命乎。惠安侯張慶臻提督京營。勅內有兼管捕營四字。提督鄭其心以為舊勅所無論之。按其事為中書田嘉璧所增。下鎮撫司鞠問。詞連閣臣劉鴻訓。周道登。上怒不測。公五疏解之。二輔始生還。熊襄愍傳首九邊。御史饒京疏請收葬。上不開可。其子兆璧又請。公與韓公廣言自有違事以來。嗣冗視日。廷弼不取一錢。不通一饋。焦唇敝舌。爭言大計。逆奄竊柄。莫不貼身微幸。廷弼一長繫待次之人。終不改其強直自遂之性。以致獨膺顯戮。慷慨赴市。耿耿俠腸。猶未盡泯。枯骸雖冷。不宜長付狐狸。上為之憫然。聽其歸葬。崇禎初。相長山勇於有為。及在際會。每乏溫潤之色。小人環而攻之。公為之撐拄。蒲州再出。頗夫人望。小人不忌蒲州而忌公。上性嚴而公濟之以寬。上好動而公持之以靜。小人之必欲殺公。亦上有以啟之也。辛未歲。余至新安。公之孫柏齡以碑銘見屬。余不辭而為之。後之君子其考信於斯文。銘曰。

史狐罪盾。君子赦止。大儒經註。尚多遷徙。見聞異辭。去之千里。湯湯冤血。沉埋數鬼。己巳之役。坐袁大逆。會曰脅和。孤注一擲。爰書里噓。同者十百。豈有天朝受汝繩。

尺。島師狡獪。皆曰可殺。輔臣大計。原無勝葛。奈何諱之。若恐相溷。云非公意。亦為飾說。烈皇在位。兩大冤案。鄭鄮之獄。督師之叛。馬角不生。白虹不貫。水落石出。疑信猶半。反間之意。不在輔臣。小人之怨。不在於袁。瓦墮頭碎。適爾無根。天之所造。百爾商君。

吏部尚書諡忠襄徐公神道碑銘

崇禎末。大臣為海內所屬望。以其進退。卜天下之安危者。劉蕺山。黃漳海。范吳橋。李吉水。倪始甯。徐雋里。屈指六人。北都之變。范李倪三公。攀龍髯上升。則君亡與亡。蕺山漳海雋里在林下。不與其難。而次第致命。蕺山以餓死。漳海以兵死。雋里以自磬死。則國亡與亡。所謂一代之斗極也。雋里徐公。諱石麟。字寶摩。號虞求。家本秦川。宋南渡。始遷嘉興之畫水。高祖端曾祖向上。祖養蒙。父聞韶。自向上以下。皆贈官保尚書。妣錢氏。封太安人。贈一品夫人。公少好學。有清才。強記博覽。年十七。補其邑諸生。以家難棄去。再補青浦諸生。則年三十餘矣。天啟戊午。先忠端公分房南關。始舉公賢書。壬戌。登進士第。授工部營繕司主事。管節慎庫。庫與中人惜薪司交關。逆奄專權。有所調發。主者奉行惟謹。猶恐不得其歡心。公在事多格之以令甲。逆奄不悅。中人冬衣靴料。初不過三萬金。內操增至十二萬。前司空鍾羽正以稽留去官。至是逆

奄欲預支已得請於上公又以故事持之逆奄大怒會先忠瑞公下詔獄公納橐餖募金抵誣賊思所以出之逆奄知之恨愈甚遂以新城侯王昇博平侯郭振明之發墓價罪公削籍烈皇登極誅逆奄起南京禮部郎中改吏部文選司崇禎乙亥改考功司冢宰鄭三俊掌院范景文主南計公佐之奏免七十八人是時主北計者謝陞烏城私人無不庇之而南計反是烏程無以難也轉尚寶司卿應天府丞署尹事其地為民患苦者無如僉報馬戶一事應天九驛使民徵發無時出農里以役衙前無不立困而又奉旨裁減驛遞縮食縮馬本是相當當事者不權輕重食縮而馬如故時民益困公以為救之莫如召募且勾其胥吏之所乾沒者其資有餘積年之患一日而除戊寅入賀元旦鄭司寇以輕比失上意下獄黃少詹道周黃庶子景昉言之於經筵上怒未回公言皇上御極以來麗丹書者多大臣朝士即使盡皆情法允協已是幽陰景色而况威嚴之下株連蔓引九死一生今皇上以輕擬之故深督三俊恐將來必有承順風旨以斷鍊為能事以鉤棘為精神非復皇上慎獄之本意矣疏上三日上御門口傳出三俊國家典故未有御門之日有宣諭者即上所攝逮大臣亦未有六日即釋之者非公忠誠悟主何以有此公起廢籍歷官南京十二年至是始入為左通政轉光祿寺卿晉通政使天子治尚綜核棄子斥臣莫不造作端末妄

生首尾萃於納言。主者幾若承行之吏。不然。則絞許相摩。叫呼已及之矣。公度情匿。姦慝見立。剖必使之詞窮意竭。而後冰駭風散。自公作納言。告許之風少息。尋陞刑部右侍郎。會推閣員。冢宰李日宣先後推至二十餘人。公與馬上召對。與推諸臣於中極殿。公稱疾不至。時上已入陳演之譖。越翼日。下日宣於理。及與推三人始服公之先幾也。轉左侍郎。署部事。旋即真為尚書。公言。適年以來。刑官擅背條律。嚴文剋剝。遂使各司上下其手。胥吏因緣為奸。刑獄繁興。干和召愆。僥倖苟免之徒。關節賄營之盛。雖日誅之而不能止矣。因糾近日附會律文之謬者數十事。時貫城滯獄不下萬人。重文橫入。多窮怒之所遷。及清獄之議。發自宜興。而宜興黨人。不見信。公理問端。其冤嫌久訟。莫不曲盡情詐。壓塞羣疑。即被罪而去者。亦緣道謳吟。然公未嘗盡主姑息。一時關係大案。俄頃而定。陳新甲下獄。政府六卿無不為之營救。公言。俺答闖入。而丁汝璉伏誅。沈惟敬盟敗。而石星論死。國法炳如。後此綱紀陵夷。淪開陷瀋。覆轍感廣。僅誅一二督撫。以應故事。中樞率置不問。故新甲一則曰有例。再則曰有例者。此也。不知親藩膏刃。百城流血。變星之罪。若是烈乎。春秋之義。人臣無境外之交。戰歎二策。古來通用。然未有身在朝廷。不告君父。而專擅便宜者。辱國啟侮。莫此為甚。上覽疏。心動。宜興面奏國法。大司馬兵不臨城。不斬上曰。他邊疆即勿論。

僇辱我親藩。七不甚於薄城乎。即日棄市。中人劉元斌監軍討賊御史王孫蕃劾其淫掠逮問。司禮王裕民漏泄疏未抄而元斌辭至上。并下裕民於獄。言裕民職任提督禁旅殺掠代為欺隱。法難輕縱。公上爰書言隱人之惡與身自為惡者有間。終不可以元斌為首而裕民為從。律內奏事詐不以實條止擬一配。註以其欺君也。然則繩欺之法亦止此矣。加等至煙瘴已極。過此以往非守法之臣所敢擅入也。上召公面諭而始決之。洪督救錦州之圍。束馬未動。職方張若麒以司馬私人出關督戰。洪督不得已從之。進而兵潰。若麒從漁舟遁還。關外精銳喪失俱盡。若麒就理而有與援司官遷延不譴。時本司韓一臣出守。公批此案未結。竟不聽新除爰書以本案為例。王樸倡逃誅矣。倡倡逃者豈可緩誅。陳新甲誤國辟矣。誤誤國者胡能延辟。欲彰軍政宜赴藁街。上寬秋後他如判定丁督許帥不假借以溫筆。或從或不從而公之不為燥濕輕重則一也。最後而有熊姜之獄。卒以執法去位。當是時宜與當國興化後起而風。價稍高一時。臺省各相依附。為反覆憮獨之術。以構兩相。于是附宜興者為南黨。附興化者為北黨。章疏詭給激訐。莫不有謂。上亦心知言官之橫而惡之。有無名子疏二十四氣達之御前。上益信。手敕申戒。給事中姜燠言上中謠言單辭厭薄言官。行人熊開元屏人密奏宜興過失。上皆疑為押合故智。下之詔獄。且欲賜死。

獄底。戴山於召對犯顏救之。戴山革職。公言皇上欲求變通。趨時之臣。舉朝不乏。若欲求廉頑立懦。維風易俗之臣。舍宗周無與歸矣。不聽。然上亦凜於公論。收回密詔。改下刑部。公輒擬不徇上意。奉旨閒住。公去而國事益急。傍徨一旅。冀赴賊俱死。而北變已至。江左嗣興。起公為右都御史。未至。改吏部尚書。大業草創。人心未附。聞公與戴山漳海之出。天下始無寡弱之憂。公以國家之敗。由官邪也。方欲條品人物。簡落狐狸。易危亡之轍。而馬阮傳通姦賂。毀裂恩仇。孽勲杆將。宮奴市儈。時相為帝中旨。賢於部推。私門熱於廟堂。黔首喁然。公猶以祖宗之法。汰彼已甚。不因流極之運。利其方圓也。馬士英希心列侯中人。韓贊周請加恩定策五等。延世公覆世宗以外藩入繼。擬封輔臣楊廷和。蔣冕伯爵。皆謙讓不遑。方今國恥未雪。扼腕拊心。諸臣豈肯裂土自崇。俟神京克復。大統告定之後。議之未晚。又言福王殉難。先帝尚遣一勛臣一黃門一內侍。驗諸舍斂。今先帝梓宮何處。封樹若何。僅遣一健兒應故事。則羣臣之悲思大行。祇具文耳。士英苦其折讓。凡公所上考選年例。少所稱可。御史黃耳鼎恨公例轉蹄尾紛然。謂公殺樞臣以敗款局。公歷敘和議始末。從前小人閃掄賣國情狀。始露公與戴山先後去國。黃童白叟。皆知南都不能立矣。乙酉四月。余過嘉興。勸公避地四明山。公曰。不可。吾東則馬元謂我擁立潞王。西向一步。則馬

阮謂我與卧子將興晉陽。惟有死此。

三月。干戈滿地。嘉興城守將破。

公在城外。至城下。呼曰。吾大臣不可野死。當與城存亡。城上人譁曰。我公來矣。開門納之。越宿而城陷。公朝服自縊。死。閏六月二十六日也。僧真寶藏之櫃中。踰二旬。收斂。顏色如生。其時叢山在越城。餓經七日。曰。此降城。非我死所。乃出城外而死。兩公死相反。而其義則一。海內為作降城歎。我公來樂府以美之。烈皇撥亂反正之才。有明諸帝皆所不及。承熹宗無穢之後。銳于有為。向若始事。即得公等六七人而輔之。開誠布公。君臣一體。全不隄防。其於致治也。何有。自蒲州出而失望。見制於小人。所謂君子者。往往自開破綻。烈皇遂疑天下之士。莫不貪欺。頗用術輔其資。好以耳目隱發為明。陸敬輿曰。馭之以智。則人詐。示之以疑。則人偷。然後上下交戰於影響鬼魅之途。烈皇之視其臣。二一如盜賊。欲不亡也得乎。故叢山進告。先欲救其心術。公隨事消息。歸於忠厚。雖累建投桴。而過後思之不置。蓋其性原不與小人合也。烏程韓城武陵并研。能亡烈皇之天下。而不能使猜忌刻薄之名加於烈皇者。觀兩公之遇合。而可以解於後世矣。南渡沸鼎。斗筭而叨天業。苟非公等數人。虛名潤色。詎能免於閔位。亦猶文山之存德祐也。公清修絕俗。造次布素。官物貯庫。苞苴戒門。通籍二十餘載。位至冢宰。所餘不過談扇歌鐘而已。宏長後進。士有纖芥之長。依以成名。

尤急人之患。雖側踵焦原。不忘援手。竹亭敗後。籍沒。公力言當事。止沒其田產。而
捲握之物。不與。譬竹亭者。又欲寬其子弟。於許都叛黨之內。公復理而出之。孝廉祝
淵。上書頌義山。提騎達問。公囑吳金吾。勿殺義士。淵得生出獄戶。一門之內。孝友濡
染。義盡情至。兄弟三人。惟伯兄一子。相埋者。言當遷。公曰。有兄在。吾不敢為主也。母
黨式微。公折契田廬曰。俾無忘太夫人之德。公初以疏屬。爾穀為子。已二十六年。甲
申。始立柱臣為後。或問後與子異乎。曰。然。子可私也。後不可私也。子惟父之所愛。即
子之後。非薦於祖禰。而祖禰用馨。告於宗族。而宗族不疑。不敢後也。故詩曰。螟蛉有
子。蜾蠃負之。即人皆可為子之證也。傳曰。鬼不馨。非類神不馨。非族是人不可皆後
之證也。其議禮之精如此。公條貫經史。而尤熟于朝章國紀。故其章奏尺牘。見聞周
洽。鑒然皆可施行。非經生是古非今之腐談也。而又旁通九流之學。嘗推施公子祿
命。謂人曰。施四明佳人。奈何此郎不任香火。已而果絕。公生於萬厯戊寅。歿于順治
乙酉。年六十八。娶顧氏。繼馮氏。俱贈一品夫人。子爾穀。柱臣。女五人。唐堯臣。潘渙。張
守虞。景堯。祝文瑄。其婿也。孫二人。功變申。余覆巢孤露。公以穉弟畜之。所不至。隕越
于溝壑者。繫公是賴。且少不知學。汎濫無根。公每訓之曰。學不可雜。雜則無成。無亦
將兵農禮樂。以至天時地利。人情物理。凡可佐廟謨裨掌故者。隨其性之所近。併當

一路以為用世張本。此猶蘇子瞻教秦太虛多著實用之書之意也。公死生師友之誼過於彭宣。余感傷舊恩。不能及李燮之於王成。能無愧乎。公墓海甯園花鎮之龍山。余兩過墓下。豐碑未立。但有腹痛。辛酉距公之歿已三十七年矣。功燮來求銘。白髮青鐙。回理前緒。尚可彷彿其六七也。銘曰。

國之興亡。豈以事功。曰誠曰術。何途之從。吁嗟烈皇。求治太急。一念刑名。金壬斯集。公亦有言。王道平平。至誠透露。即是機權。行其所學。以匡烈皇帝。雖曰俞。舉國若狂。南渡燭火。專樹饕餮。公於其間。六月霜雪。大厦將傾。猶抽樑棟。汎汎溝中。以俟一開。禦兒驚水。黑雲壓城。薊城穀魄。耿耿孤誠。血碧龍山。魂騎箕尾。千秋萬歲。光芒兮宸。劉瑞當先生墓誌銘。

崇禎間吳中倡為復社。以網羅天下之士。高才宿學。多出其間。主之者張受先。張天如。東浙馮留儂。鄴儂與之枹鼓相應。皆喜容接後進。標榜聲價。人士奔走輻輳。其門蓬華小生。苟能分句讀習字義者。挾行卷西棹婁江。東放蕙水。則其名成矣。其間樸樸之人。文章足以追古作。議論足以衛名教。裁量人物。譏刺得失。執政聞而意思之。以為東林之似續也。當是時。蕙水才彥霧會。姜希愚。劉瑞當。馮元度。馮正則。馮簞溪。諸子莫不為物望所歸。而又引旁近縣以自助。甬上則陸文虎。萬履安。姚江則余兄。

弟晦木澤望。蓋無月無四方之客。亦無會不諸子相徵逐也。嗚呼。盛矣。瑞當於諸子中。芒寒色正。諸子皆引為畏友。初與嵩愚齊名。坊刻行世。稱為姜劉及嵩愚登第。又與元度並稱為劉馮。亦猶香山之在唐。初稱劉白。繼稱元白矣。交道雖廣。而所至情契。不過數人。入閤則友。曾勿人。林守一之宛。則結沈眉生。麻孟璿。梅朗三。過橋李。則投夏彝仲。其激揚題拂之流。望瑞當娥眉天半。不可得而親也。諸從遊先後成進士。至為天子元老侍從其下者。亦且為二千石郡縣長吏。獨瑞當蹭蹬老諸生。布衣揖讓於博士前。晚乃以貢侍一儒官。胸中不能無芥蒂。友朋高會。瑞當恒坐席端。文虎次之。酒酣耳熱。兩人輒離席長歌曼聲相和。唾壺盡闕。澤望以盛名為之壻。瑞當喟然曰。吾為同輩架累。置身鑪鞴之上。無乃益彰其老醜耶。未幾而南北橫潰。聲實陵沉。交遊事息。返顧閭里。則嵩愚元度以疾死。留仙鄒仙以憂死。文虎以刺死。箕溪以兵死。所在情契鯨鯢相望。瑞當之風波。亦為里中指名。即場屋放言。悲歌流涕。亦不可復得。乃為潔供疏告於嘗所往來者。求法書名畫古器奇花。勉強差排。惔然不知有生之樂。發為詩文。僻思拙句。絕似圭峯積久所得。嗚呼。何其哀也。於是一歲之中。東走訪履安西。走訪余兄弟。必且再三潦倒。以洩其耿耿之未下。戊子夏。瑞當扶其季子一平頭奴。刺小航浮江而上。颶風失楫。隨波蕩瀟。而至余家。未幾適雨。越月而

以訪黃太冲萬履安兩記來余頗怪之瑞當之往來多矣獨記此何歟再越月計至始知其記之為永訣也瑞當深沈有識嘗與之謁劉先生時瑞當北上先生傳語留仙寇深事急當為危從計先生不輕談機事蓋信瑞當之深也篋溪受禱親戚不敢過其門瑞當見其夫人而謂之曰今日之事夫人唯有自盡吾待命於此夫人死瑞當始出瑞當諱應期亦字遠當生於某年某月某日卒於某年某月某日世為慈谿人六世祖煒廣東參政高祖錯封山東道監察御史曾祖士逢上海丞祖廷襄父志冠封文林郎妣某氏封太孺人娶應氏繼向氏子三長甲庠生次有士次有丁女二長適鄉進士黃宗會即澤望也次適秦某孫男二洙源孫女一湊瑞當卒後二十四年十一月二十五日葬於鄞山飛鳧之原甲來述銘曰先子心言之託止有妣江余固瑞當之未亡友也身歷其盛衰使余不言溪上之風流後來無有知之者矣第瑞當去歲時不遠尚且精神殞喪風味轉隆逮今一世余皓首而談往事叨叨不已聞者得無厭其頑鈍乎汝甲其深藏之也銘曰

汝南月旦自昔重之不有君子孰與主持唯瑞當甫遭逢盛時引繩按墨不為詭隨窮島諸生清議自司坎壈而死邪正逆施斯世何樂而為君悲慈水嗚咽鄞嶺參差墜言汙履莫使君知

徵君沈耕巖先生墓誌銘

有明之輔臣以奪情見劾者三人曰李賢張居正楊嗣昌然劾賢之羅一峯劾居正之趙吳文沈鄒皆有味位於朝唯劾嗣昌之沈耕巖則諸生也賢與居正當天下無事之日所失不過一身嗣昌當危急存亡之秋所關乃在社稷耕巖之言拯溺救焚縣記後來不爽累黍又非一峯諸公所言僅在一時也崇禎丙子復保舉之制應天巡撫張國維以耕巖應詔時中原流寇決裂特起嗣昌於苦塊倚以辦賊而嗣昌以熊文燦之招撫為嘗試通選司馬堂中敗問日至掩飾徒工耕巖慨然國事至此朝端尚無一人言之者乃草綱常正而後可以正世風一疏謂金革無避漢儒之曲說君子必不出此即嗣昌迫於君命亦宜躬履戎行任革荷戈而乃支吾旦夕安枕京畿外飾勤勞中懷規避將來誤國嗣昌之內其足食乎繼又草樞臣籌國已誤一疏謂嗣昌既不能循先朝大臣起復故事軍旅之寄一付文燦使其聲罪除凶徐持降議亦豈為後以一十二萬方張之師不為不武以二百八十餘萬咸集之餉不為不充整旅以往何兇弗摧即使面縛輿櫬猶應宣布皇威而後慙其歸死以宥之詎有漫無翦治招之不來強而後可援賊之詆帖以為金石講盟結約猶同與國天下有不能殺人而能生人者乎有授柄於敵而可懾敵者乎臣不知其所終矣通政司張

紹先以疏字逾額存案不上。耕巖上書通政言無使獲罪執事幸甚。紹先始請上裁。嗣昌亦惶恐待罪。請追効己之章。有旨本既違式。卿不必更請封進。耕巖乃陳牾兩疏以就格上之。留中不報。黃漳海歎曰。此何等事。在朝者不言。而草野言之乎。吾輩真愧死矣。臺省何惜錢增林蘭友詞林。劉同升趙士春相繼効嗣昌。最後而漳海有廷辨之事。則皆發端於耕巖也。向若耕巖之說行。斯時易置嗣昌。文燦流寇之禍。豈至若是哉。故識者以為此番保舉得耕巖一人。可以謂之不虛矣。耕巖姓沈氏。諱壽民。字眉生。別號耕巖。世為宣州人。曾祖寵。官至參政。學者所稱古林先生是也。祖懋敬。蒲州丞。封德慶知州。叔祖懋學。翰林修撰。父有恒。太學生。耕巖孤峭。不妄言笑。為文深入理窟。而出之清真。江右艾千子至死上。評許在盛名之上。人駭其言。而卒莫之能易焉。故其選時文。耕巖之文多入文定。不敢輕置於文待。一時聲名之盛。吳中二張與江上二沈相配。二張謂天如受先。二沈謂崑銅耕巖。不以名位相甲乙也。上書報罷。不復厝意經生之業。與周鹿溪掩關茅曲。俱理佐王之學。無何而黨禍作。阮大鍼之在留都也。以新聲高會。招來天下之士。利天下有事。行其裨闕。耕巖効楊疏尾。有大鍼妄畫條陳。鼓煽豐邑。於是顧杲吳應箕推耕巖之意。出南都防亂。揭合天下名士以攻之。大鍼恨甚。以為主之者鹿溪也。及大鍼得志。曲殺鹿溪。按揭中姓臣。

次第欲誅之。而以耕巖為首。余亦與焉。且聞溧陽亡命。投止耕巖。矯詔將下。溧陽返北。耕巖遂變姓名入金華山中。南都亡而事解。耕巖遂不返故園。東遷西徙。入山惟恐不深。耕粟既盛。採藥養以續食。有知而餉之。悉行謝絕。曰。士不窮無以見義。不奇窮無以明操。郡守朱元錫曾寄千金。耕巖意不欲受。度置壁中。三年塵甑未嘗一發視也。溧陽既相。將特疏薦之。而使寓書。耕巖不開封。對使焚之。溧陽意猶未已。耕巖寄書謂之曰。龔勝謝枋得其智。非不若皋羽所南也。而卒以隕厥軀者。緣多此物色故耳。故凡今之欲徵僕薦僕者。直欲死僕者也。溧陽歎曰。先生所謂名可聞身不可得見者也。乙未始返故廬。松菊無存。田園半割。或請直詣。曰。身既隱矣。焉用直之。然避人愈深。其名愈著。當事或邀之半道。則望望而去。比之元亮。人以為隘焉。乙卯五月。屬疾。門人吳肅公侍。耕巖命其載筆曰。以此心還天地。以此身還父母。以此學還孔孟。語畢而卒。是月之三日也。年六十九。遺集若干卷。閑道錄若干卷。配徐孺人。先十九年卒。子六人。殊變輪鑑。挺達將以某年葬於某所。耕巖重然諾。一切皆有至性。友人周梅骨死海外。其子幼。耕巖渡海葬其骨。鹿溪之歿也。家業零落。親諸孤為逋負。所逼耕巖鬻田以償之。不足。貸諸人。又不足。屬諸門人。鹿溪始有完卵。故自言才疏意廣。甲申以前。貸金至二百以上。皆急朋友之急也。余少遭患難。艱業者久之。庚

國朝文匯

卷一

二十三

國學扶輪社印

午。邂逅耕巖於南中。惻惻之力。何日忘之。癸酉耕巖訪余至姚江戊寅。余訪耕巖至宛上而不遇。改革以後。兩番寄詩。亦不知其達不達也。甲辰在姑蘇。與邵文江約。將以秋冬之際。同訪耕巖。日復一日。文江不來。而老母年登九旬。余遂不可遠行矣。茫茫禹跡。余之不可以告人者。欲向耕巖盡之。豈料竟無相見之期耶。乙卯八月。接耕巖永訣一書。乃是年四月二十日所寄。去易簣十有三日耳。以數年不通尺一。忽得之易簣之際。不可謂非吾兩人之冥契也。先生之子。遠不遠千里。求誌幽石。余泣然和淚而銘曰。

吳門之卒。即攻王氏之人。西臺之哭。即劾似道之臣。嗚呼耕巖千載同倫。

陳定生先生墓誌銘

甚哉小人之愚也。小人之仇君子。必指之為朋黨。大書深刻。列其姓名。將使後世之人。同心疾之也。然蔡京立元祐黨碑。而三百九人者。後人各為之列傳。韓侂胄立慶元黨人碑。而劉後溪遂以慶元黨人之名。名游監簿之墓。黨人之家。亦各以其名。名其門第。原小人之心。固謂被是名者。不勝其辱矣。孰知適以榮之耶。天啟間。逆奄竊國。是時有百官圖。邪黨錄。天監錄。同志錄。點將錄。依之以盡殺朝廷之士。所謂東林黨人也。其間侍從之臣。楊左以外。宜興少保陳公為之魁。崇禎末。阮大鍼作蝗蝻。

錄以復社名士填之。謂是東林後勁。欲依之以盡殺天下之清流。其間定生先生為之魁。按元祐黨人唯司馬光司馬康范純仁范正平呂公著呂希仁父子名在黨籍。而先生之父子實似之。迄今四十年。貞元朝士無多。劫塵冷落。

天子開明史局。根括天下藏書。於是東林黨籍稍稍復出。而先生父子皎然與日月爭光。可不謂之榮耶。先生諱自慧。字定生。陳氏。為止齋之後。由永嘉徙宜興。遂為望族。曾祖諱憲章。祖諱一經。皆贈左都御史。父諱于庭。仕至左都御史。贈少保。母張氏。贈夫人。生母湯孺人。少保四子。長貞貽。有文名。而天次貞裕。天啟甲子舉人。次貞達。戶部主事。左遷順天知事。國變死。節季即先生也。先生幼而奇傑。少保喪其才子。居恒鬱鬱不樂。顧先生在側曰。賴有此耳。弱冠補弟子員。廩於學宮。侍少保宦遊南北。凡朝政之缺失。君子小人之消長。口談筆記。皆出經生聞見之外。居家孝謹。庭闈之內。無疾言遽色。念長兄之才。恐其遂至淪沒。因梓行其書。少保歿。同邑故相以生前睚眦。修怨其孤。有取子毀室之虞。先生指定良苦。故相知其不可以力屈也。好言慰藉之。先生落落如故。時周仲馭沈眉生讀書句曲。先生與吳次尾讀書毫村。皆好佐王之學。獨持清議。裁量公卿。天下望之。如鑠錙。出匣當是時。為程執政八年。以禁錮東林為事。淄川韓城承其衣鉢。東林雖時出彈射。有勝有不勝。而終不能覆妖鳥之

巢以得志於時漳海在獄利害尤急三吳君子聞出奇計謂不如援彼黨一人以為
兩家騎郵庶放東林出一頭地僉諧故相而故相所最嫗者為阮大鍼大鍼亦從吳
中咕囁耳語曰苟使大鍼得改事諸君所謂生死而肉骨也溺灰陽燄置酒高會南
中之士入其牢籠者強半吳中諸公恐仲馭未之許也邀之半道會於虎邱天如來
之以謀告仲馭持論不下此仲馭親為余言今人恐無知者會眉生保舉入京劾楊武陵并及大鍼
妄畫條陳鼓煽豐邑大鍼始阻喪先生與次尾因草留都防亂揭顧子方曰大鍼者
吾祖之罪人也吾當為揭首其次則天啟忠臣之家故余與左魏繼之一時勝流咸
列其姓名大鍼杜門咋舌欲死故相出山大鍼猶不忘援手故相曰南中議論與吳
中駁異未便可動大鍼曰廢籍馬士英某之化身也其可乎故相諾之而去崇禎己
卯金陵解試先生次尾舉國門廣業之社大略揭中人也邑山張爾公歸德侯朝宗
宛上梅朗三蕪湖沈崑銅如皋冒辟疆及余數人無日不連輿接席酒酣耳熱多咀
嚼大鍼以為笑樂士英定策大鍼暴起國狗之瘕無不噬也遂廣揭中姓名以造蝗
蝻錄思一網殺之仲馭下獄死眉生次尾崑銅皆亡命余與子方從徐署丞疏逮問
而先生亦為校尉縛至鎮撫事雖解已瀕十死矣若是乎宏光南渡止結得留都防
亂揭一案也國亡之後殘山剩水無一不戚戚可念埋身土室不入城市者十餘年先

生即甚貧乎而遺民故老時時猶向陽羨山中一問生死流連痛飲驚離吊往恍然如月泉吟社也所著有皇明語林山陽錄雪岑集交遊錄秋園雜佩八大家文選若干卷生於萬曆甲辰十二月九日卒於順治丙申五月十九日年五十三配湯孺人左都御史湯公兆京女子男五人長維崧翰林院檢討次維嶠庠生次維岳太學生次宗石黎城縣丞次維岡女二人吳璟吳全昌其婿也孫男四人履端履慶伊瀝孫女十一人維崧以先生卒後六年十一月葬於毫村新阡又後十有八年從京師函幣寄余求銘幽石維崧以博學宏儒徵入史局天下方藉以發潛德之幽光而況於其先公乎乃不憚數千里之遠下訊草野其亦司馬子長徵於夏無且之意歟銘曰嗚呼是為宏光黨人之墓佞臣過之尚避其風雨

陸周明墓誌銘

司馬遷傳游俠以鄉曲之俠與獨行之儒比量而賢夫俠者以布衣之俠與卿相之俠比量而難夫布衣然時異勢殊乃有儒者抱咫尺之義其所行不得不出游俠之途既無有士卿相之富厚其所任非復閭巷布衣之事豈不尤賢而尤難哉十年以前亦嘗從事於此心枯力竭不勝利害之糾纏逃之深山以避相尋之急因事遂止其時周明與其客以十數見過皆四方知名之士余間至其城西田舍復壁柳車雜

國朝文匯

卷一

二五

國學扶輪社印

賓死友吐嗟食辦余既自屏周明亦不相聞問然頗聞其喜事益甚江湖多傳周明姓名以為異人嗟乎周明亦何以異於人哉華屋甫田婚嫁有無人情等爾亦唯是胸中耿耿者未易下膺人見其踵側焦原手搏彫虎遂以為異雖然周明一布衣諸生又何所關天下事而慷慨經營使人以俠稱是乃所以為異也周明姓陸氏名宇鼎鄧縣人也祖某父世科大理寺卿母某氏配周氏崔氏子經異經周婿萬斯少與錢司馬請書慷慨有大志司馬江上之事周明實左右之祥興航海其諸臣風帆浪楫棲遲金齋牡蠣之間非內主之力則亦莫之能安也癸卯歲周明為降卒所誣捕入省獄具周明無所註誤脫械出門未至寓而卒周明以好事盡其家產室中所有唯草薦敗絮及故書數百卷計聞家中整頓其室得布囊於亂書之下發之則人頭也其弟春明識其面目捧之而泣曰此故少司馬為庵王公頭也初司馬兵敗梟頭於商之城關周明思收葬之每徘徊其下一日見暗中有叩首而去者跡之走入破屋周明曰子何人其人曰吾漁人也周明曰子必有異無為吾隱其人曰余毛明山曾以半伍事司馬今不勝故主之感耳周明相與流涕而詣江子雲計所以收其頭者江子雲者故與周明讀書錢公之將也失勢家居會中秋競渡遊人襍沓子雲紅笠握刀從十餘人登城遊戲至梟頭所問守卒曰孰戴此頭也者卒以司馬對

子雲佯怒曰嘻吾怨家也亦有是日乎拔刀擊之繩斷墮地周明明山已豫立城下方是時龍舟噪甚人無回面易視者周明以身蔽明山拾頭雜傳人而去周明得頭祀之書室蓋十二年矣而家人無知者至是而春明始瘞之昔李固之死汝南郭亮左提章鉞右秉鈇鉞詣闕上書乞收其屍南陽董班亦往哭固殉尸不肯去纔布奏事彭越頭下祠而哭之彼皆門生故吏故冒死而不顧周明之於司馬非有是也一念憐其忠義遂不惜扞當世之文網所謂尤賢尤難者不更在是乎初周明請書時有弟子訟其師師不得直周文詣文廟伐鼓慟哭卒直其師而後止昔震川敘唐欽堯爭同舍生之獄以為生兩漢時即此可以顯名當世在周明視之尋常瑣節耳獨恨不得司馬遽以拾之余因萬斯大而論次僅以答周明曩者之一顧也銘曰或駭其奇或歎其拙茫茫宇宙腐儒糾結

移史館熊公雨殷行狀

熊公諱汝霖字雨殷世居餘姚之天花街祖某父某公登崇禎辛未進士第授同安知縣為政不避強禦直行己意紅毛入寇公渡海敗之於下門考選戶科給事中辛巳江南荒疫人死且半米價四兩有餘轉運不至命給事中七人催督漕糧公當江南上江通勉從事不使病民遑練正耗二百四十一萬石如期而集沿途見聞無不

入告。上以朝臣不足任使。所用文武踰絕越。而左官外附之徒。競張空虛。以邀榮路。公以為破格不如循常。聽聲不如採實。武臣只用甲科行伍。凡敘功御覽名色。一切報罷。會推大將。亦須保舉。事敗連坐。舉主庶杜債帥之門。又言時值艱難。安危省括。懸於督撫。以臣裁量。多不可以備倉卒也。關督范志完。事口舌而習調欺。順撫潘永圖。何所優長。況當軍旅。宣督江禹緒。陽和兵譟。風裁掃地。宣撫李鑑。恒怙小利。不持士節。保督侯恂。凡偶近器。鳳督馬士英。嫗嫗名勢。秦撫蔡官治。威恩淺薄。襄藩陷而楚撫晏然。南陽破而鄖撫無恙。皖撫黃配元。僅百里之才。保撫楊進。非鎖鑰之選。臣非敢薄待天下士。謂方今督撫盡皆非人。大聲疾呼。欲使其內手捫心。量力自陳。耳力言。孫傳庭不宜急戰。不聽而敗。京師戒嚴。公分守齊化門。隨時條陳。四月之間。三十餘疏。皆切中機宜。多所彈治。上亦嘉其敢言。召對咨諏。公言行間。諸臣去彼數百里。而軍不敢一望顏行。大約南去則我隨其後。北返則我出其前。如厮隸之於貴官。負弩前驅。望塵靡及耳。兵士一聞督戰。便洶洶欲叛。如此則將不能御兵。何名為將。督師不能用將。何名督師。興言及此。督將之肉其足食乎。巡按陳昌言奏。淄川鄉官孫之獬。夢關壯繆語之。爾等安心守城。我以神兵出戰。遲明瞻像。汗下如雨。公言山東州縣。十去七八。而獨効靈一淄川壯繆正神。而獨降夢一之獬。此何為者乎。之

獬逆案中人士論棄之豈神偏鑒之乎。為此言者不過欲借神異之說達其姓名於御前以為異日然灰之地縣官從而和之奇矣。按臣不加駁正而據以入告何異夢中說夢也。竊謂淄川之夢派城之守同一機脚遠法王欽若之閉門誦經近類楊嗣昌之華嚴退蝗可怪也。公於朝廷舉動失當知無不言言無不痛能開元姜採兩給事之獄叢山全椒之去斷斷廷諍不肯但已當時號為能諫者亦必揣摩宛轉以納其說而公之發言磊砢有敵以下所不堪受者有犯無隱蓋其天性然也止以降謫而去烈皇可謂之能容諫臣矣。公言楊嗣昌負國尚未處分誰為嗣昌畫練餉之策驅中原百姓為盜者沈迅也誰為嗣昌運籌以三千守襄而賊以十七騎入城遂出逃者余爵也誰為嗣昌援引乙榜開府受事即敗者宋一鶴也情面賄賂斷送封疆二祖列宗之靈能無飲泣地下乎執政既苦其諂讓上以飲泣一語致怒降福建按察司照磨南渡起補原官轉吏科公言諸臣爭誇定策罔計復讐處堂未已且為關穴始之武與文爭繼而文與文爭殿廷之上無人臣禮其言起阮大鍼也陰陽消長間不容髮甯博探廣搜求奇才於草澤胡執私違衆翻鐵案於丹書閣臣此舉無乃負先帝負皇上乎其言四鎮也一鎮之餉至六十萬勢必不供即仿古藩鎮法亦當在大河以北開屯設府永此帶礪曾堂竟內而遽亦藩離視之其言復廠衛也廠

國朝文匯 卷一

二十六

國學扶輪社印

衛之害。橫者借以樹威。黠者因而牟利。人人可為叛逆。事事可作營求。縉紳慘禍所不必言。小民難免。亦無常日。先帝十七年憂勤。曾無失德。止有嚴銜一節。未免府怨。臣民新建。每事持正。其待同官。嘗之溫潤之色。馬士英恨之。使其門客朱統鑣造作飛條。跳梁大叫。公言。么麼小臣。為誰驅除。聽誰指使。上章不由通政。內外交通。神叢互借。飛章告密。墨勅斜封。端自此始。可不嚴行詰究。用杜將來。又言。先帝篤念宗藩。而聞寇先逃。誰死社稷。先帝隆重武臣。而叛降跋扈。肩背相踵。先帝委任勳臣。而京營銳卒。徒為寇藉。先帝旁寄內臣。而開門延敵。反在禁旅。先帝不次用人。而邊材督撫。首施兩端。超遷宰執。羅拜賊庭。思先朝之何以失。即知今日之何以得。九月出差。陸辭言。朝端之上。議論日新。官府之間。揣摩日熟。自少宰樞貳。悉廢廷推。四品監司。竟晉詹端之席。追賊定罪。無煩司寇之章。雖然。濟斷之無私。未免羣情之共駭。況乎蹊徑叠出。誣詆繁興。一人未用。便目滿朝。為常人。一官外遷。輒訾當事。為可殺。市井狡獪。耽耽得官。呈身應募。以備推刃。上變之用。有環伺而待發。遠客之令。時聞翩翩之翹。未已。假然而隻手足。勘禍亂。羣小可致太平。即使驅除異己。別用同心。吾輩自然退聽。其餘總總報復。切切更張。置國郵於罔聞。逞私圖而得志。黃白之庭。青紫塞路。打成一片。富貴世界。六朝佳麗。復見今時。昧卻晉宋梁陳後來一段公案也。其時

黃耳鼎陸朗方以例轉傾側望臣謹以家宰朗出餞公適即抄傳至朗讀公疏一字一擊節及至一官外還二語聲忽中止相對默然會稽之守畫江而營公之意欲令諸師畢渡沉舟破釜為不返之計如其不濟則亦八千子弟豈復東還五百島人不脫劍鏐而已身提孤旅不滿千人從小豐渡江扎喬司倡率羣帥而皆契需觀望無一應者公進至海甯集其父老豪傑激揚忠義辭酸淚血聞者莫不感動旅拜轅門者且萬人別營伍分汎地以本邑進士俞元良司餉指揮姜國臣王兵浙西塵起沿海烽燃一時號之為熊兵公大小數十戰親臨矢石累經覆沒志氣不為之少衰加兵部右侍郎兼左副都御史總督義師亡何而閩使劉中藻至欲以江上之師受其約束行朝洵洵且議開讀之禮魯王亦將退就藩服獨公持不可言主上原無利天下之意唐藩亦無坐登大寶之理有功者王定論不磨若我兵能復杭城便是中興一半根脚此時主上早正大號已是有名較之閩中乘時擁戴奄有閩越者規局更難例論千秋萬世公道猶存若其不能而使閩兵克復武林直趨建業功之所在誰當與爭此時方議迎詔亦未為晚自公此議出人心始定閩使始返丙戌六月朔浙河兵潰公扈監國由海道至閩而隆武走死郡縣已皆降附王以公為東閣大學士會兵於長垣分道攻取先後得三府一州二十七縣戊子王在閩安鎮時國事皆專

於鄭彩彩暴橫公每折之以禮彩與定遠伯周瑞交惡公舉擬恒右瑞彩積恨之既而彩與義興伯鄭遵謙爭商舶嘗恐謙之襲己公自閩安至琅琦休沐守琅琦奔彩之裨將李茂也與公奴子爭口元夕熊鄭兩家同郡相間遺茂即以合謀告彩公遂為彩所害并其幼子投海中公報國之心九裂不恨然吳鉤枉矢飛火狂濤皆鑒公之忠全軀橫海之鯨而受制於螻蟻謂之何哉夫神器流離草創未有成緒公何不引閩師為助而分唐分魯自開瑕陳議者以公為闇昔梁元帝以簡文制於賊臣大寶改元卒不遵用逮侯景授首而後焚柴頒瑞隆武之制於鄭氏猶侯景也公而奉詔亦豈能轉其斗粟發其一甲乎徒使江上離心行閒之精神徒為福京之媚悅耳此舉固與元帝無異也然則公何不勸監國即真以繫波蕩之人心議者以公為迂昔光武既貳更始遲之一年河北既平而後受命事之無成天也天若假其始願焉知即非白水嗟乎踵百王之末當陽九之會帝昺何益於運數監國不稱位號涉川龍暴力絕而亡留此無利天下之心皎然千古其視受終如敝屣也公之所慮不亦遠乎公子茂鼎介余族叔應蛟求序公事公魄不返公魂無歸幽銘陽碣無地可施爰撰行狀一通移之史官以為列傳之張本也